

四庫全書薈要·乾隆御覽本

經部

欽定四庫全書薈要

經部

左傳注疏卷五十九



詳校官原任侍講王燕紹

春秋左傳注疏卷五十九

起哀公十二年
年盡十五年

晉杜氏注 唐陸德明音義 孔穎達疏

經十有二年春用田賦注直書之者以示改法重賦疏

義曰用田賦者用田之所收以為賦令之出牛馬也依實直書之以示改常法重賦斂成元年作丘甲甲是造作之物故言作馬牛賦稅以充之非造作之物且譏其賦不譏其作故書用言舊不用而今用之

夏五月甲辰孟子卒注魯人諱娶同姓謂之孟子春秋

不改所以順時音義

娶本或作取七疏
喻反又如字

注正義曰論語云君娶於吳為

同姓謂之吳孟子是魯人常言稱孟子也坊記云魯春秋去夫人之姓曰吳其死曰孟子卒是舊史書為孟子卒及仲尼脩春秋以魯人已知其非諱而不稱姬氏諱國惡禮也因而不改所以順時世也魯春秋去夫人之姓曰吳春秋無此文坊記云然者禮夫人初至必書於策若娶齊女則云夫人姜氏至自齊此孟子初至之時亦當書曰夫人姬氏至自吳同姓不得稱姬舊史所書蓋直云夫人至自吳是去夫人之姓直書曰吳而已仲尼脩春秋以犯禮月著全去其文故今經無其事

公會吳于橐臯注橐臯在淮南逡道縣東南音義

橐黃
夜反

一音託逡音峻又七
倫反道音因又音巡

秋公會衛侯宋皇瑗于郟注郟發陽也廣陵海陵縣東

南有發繇亭音義

繇音

疏

注正義曰十七年傳孟武伯

問於高柴曰諸侯盟誰執牛

耳季羔曰發陽之役衛石魁指此會也知鄆即發陽一地二名也

宋向巢帥師伐鄭

冬十有二月螽注周十二月今十月是歲應置閏而失

不置雖書十二月實今之九月司歷誤一月九月之初

尚溫故得有螽音義

螽音終

傳十二年春王正月用田賦注終前年事○夏五月

昭夫人孟子卒昭公娶于吳故不書姓注諱娶同姓

故謂之孟子若宋女疏

注正義曰諱娶同姓不得謂之吳女宋是子姓長女字孟

故惠公元妃謂之孟子今又稱孟子者全改其本若言此夫人是宋國之長女也釋例曰經書孟子卒傳

言昭公娶于吳故不書姓此為昭公加諱不復繫吳改其姓號傳因而弗革也論語謂之吳孟子蓋時人

常言非經傳正文也而賈氏以為言孟子若言吳之長女也稱吳長女既不異於同姓且娶同姓長之與

少未聞其異無所為別也死不起故不稱夫人注不稱夫人故不

言薨不反哭故不言葬小君注反哭者夫人禮也以

同姓故不成其夫人喪疏

注正義曰禮既葬日中自墓反虞於正寢所謂反哭

於寢反哭者是夫人之正禮也季氏以同姓之故不成其夫人之喪不為反哭故不書葬所以懲臣子之

過也釋例曰若昭之孟子者以同姓為闕生革其姓
過而知悔也然吳之大伯下及魯昭於親遠矣所諱
在於名義而已居夫人之位籍小君之尊已三世矣
季氏當國而不為之服至今仲尼釋已之經國朝不
成其喪以世適夫人不書於策此季氏之咎也
杜言不書於策謂不以夫人之禮書於經也 孔子

與弔適季氏季氏不統放經而拜注孔子始老故與

弔也統喪冠也孔子以小君禮往弔季氏不服喪故

去經從主節制音義

與弔音預注同統音問疏注正
經大結反去其呂反義曰

杜以孔子與弔明其已去臣位若在臣位則服小君
之喪不得云與弔而已故云孔子始老始老者謂始
致仕也劉炫云按十六年仲尼卒哀公誄之子贛譏
云生不能用則是哀公不用仲尼為臣也又世家及

諸書無云仲尼仕於哀公杜焉得云孔子始老乎今
知不然者以上十一年傳稱仲尼在衛魯人以幣召
之是召之而來當以任用故冉有云子為國老待子
而行後乃致事故孟子之喪而來與弔若哀公全不
能用何須以幣召之但哀公不用其言故云生不能
用於傳文上下理甚符同劉以為不仕哀朝以規杜
過非也喪服齊衰三月章曰為舊君君之母妻傳曰
為舊君者孰謂也仕焉而已者也何以服齊衰三月
言與民同也君之母妻則小君也鄭玄云仕焉而已
者謂老苦有廢疾而致仕者也為小君服者思深於
民也是其服與民同不服臣為小君之服故與常弔
也禮齊衰之喪始死而統以至於成服統以代吉冠
故以統為喪冠也孔子以季孫當服臣為小君之禮
故以小君禮往弔季氏傳言適季氏謂適季氏哭位
故杜言往弔謂就其哭位也季孫既不服喪孔子不
得服弔服故去經從主節制也大夫之弔服弁經鄭

玄云弁經者如爵弁而素而加環經大如總之經纏而不糾也曲禮云凡非弔喪非見國君無不答拜者鄭玄云喪賓不答拜不自賓客也禮弔無拜法而此言孔子放經而拜者記言喪賓不答拜謂喪主既拜賓賓不答拜耳其初見主人成弔者先拜○公會吳據此傳文必有拜法記無其事記不具耳

于橐臯吳子使大宰嚭請尋盟注尋郟盟公不欲使

子貢對曰盟所以周信也注周固故心以制之注制

其義玉帛以奉之注奉贊明神音義

贊音至

言以結之

注結其信明神以要之注要以禍福音義

要一選反注同

寡

君以為苟有盟焉弗可改也已若猶可改日盟何益

今吾子曰必尋盟若可尋也亦可寒也注尋重也寒

歆也音義

重直龍反
歆許謁反

疏

注正義曰少牢有司徹云乃
尋尸組鄭玄云尋溫也引此

若可尋也亦可寒也則諸言尋盟者皆以前盟已寒更溫之使熱溫舊即是重義故以尋為重傳意言若可重溫使熱亦可歆之使寒故言寒歆不訓寒為歆也乃不尋盟○吳徵會于

衛初衛人殺吳行人且姚而懼謀於行人子羽注子

羽衛大夫音義

且子
餘反

子羽曰吳方無道無乃辱吾君

不如止也子木曰吳方無道注子木衛大夫國無道

必棄疾於人吳雖無道猶足以患衛注為衛患也往

也長木之斃無不標也注標擊音義

斃伴世反標敷蕭反又普交反

國狗之瘕無不噬也注瘕狂也噬齧也音義

狗音苟瘕吉世

反噬市制反齧五結反本或作噬

疏

正義曰長木喻吳國大也狗瘕喻吳失道也國狗猶家狗言家

畜狂狗必齧人也

而况大國乎秋衛侯會吳于郟公及衛侯

宋皇瑗盟注盟不書畏吳竊盟疏

注正義曰畏吳竊盟恐吳知之故不

敢書於策也成二年公及楚人秦人云云盟於蜀傳曰卿不書匱盟也於是乎畏晉而竊與楚盟故曰匱盟彼以畏晉竊盟故諸侯之卿皆貶而稱人此亦畏吳竊盟宜應貶此三國經遂沒而不書者彼以晉是盟主諸侯不應背晉故貶諸侯之卿以成晉為霸主此吳以夷禮自處不合主諸侯之盟故與吳盟者悉

皆不書是不與吳為盟主也既不與吳則三國私盟於義可許不合貶責但魯白不書仲尼亦從而不書之耳釋例曰諸侯畏晉而竊與楚盟而貶其卿所以成晉為盟主也吳之彊大始於會鄆終於黃池凡三會三伐三盟唯書會伐而不書盟者吳以盟主自居而行其夷禮禮儀不典則盟神不獨非所以結信義昭明德故不錄其盟不與其成為盟主也既不與吳之為盟主則宋魯衛三國私盟可許故無貶文是其說也杜言三會三伐三盟者七年會于鄆十二年會于橐牟十三年會於黃池是三會也八年吳伐我十年公會吳伐齊十一年齊國書及吳戰于艾陵是三伐也七年傳云夏盟于鄆行八年傳云吳人盟而還十三年傳云秋七月辛丑盟吳晉爭先是三盟也

而卒辭吳盟吳人藩衛侯

之舍注藩籬音義

藩方元反注及下同籬力知反

子服景伯謂子貢

曰夫諸侯之會事既畢矣侯伯致禮地主歸餼注侯

伯致禮以禮賓也地主所會主人也餼生物音義許

氣疏注正義曰侯伯諸侯之長謂盟主也侯伯為主

反疏則諸侯之從已者皆為賓致禮禮賓當謂有以

禮之或設飲食與之宴也地主所會之地主人也當

歸生物於賓禮牲生曰餼服虔云致賓禮於地主傳

言吳不行禮於衛衛非地主以相辭也注各以禮相辭讓今吳不

行禮於衛而藩其君舍以難之注難苦困也音義乃難

旦子盍見大宰乃請束錦以行注以賂吳音義戶盍音

反語及衛故注若本不為衛請者音義偽為反大宰詬

曰寡君願事衛君衛君之來也緩寡君懼故將止之
注止執子貢曰衛君之來必謀於其衆其衆或欲或
否是以緩來其欲來者子之黨也其不欲來者子之

讐也若執衛君是墮黨而崇讐也注墮毀也音義

墮許

規反注及
下皆同

夫墮子者得其志矣且合諸侯而執衛君

誰敢不懼墮黨崇讐而懼諸侯或者難以霸乎大宰
嚳說乃舍衛侯衛侯歸效夷言子之尚幼注子之公

孫彌牟音義

說音悅下同舍音捨釋
也又音赦效尸教反

曰君必不免其

死於夷乎執馮而又說其言從之固矣注出公輒後

卒死於越○冬十二月螽季孫問諸仲尼仲尼曰丘

聞之火伏而後螿者畢注火心星也火伏在今十月

音義

螿直切反

今火猶西流司歷過也注猶西流言未盡

沒知是九月歷官失一閏釋例論之備疏

注正義曰月令季夏

之月昏火星中詩云七月流火毛傳云流下也謂昏而見於西南漸下流也周禮司燧云季秋內火是九月之昏火始入十月之昏則伏火猶西流者言其未盡沒是夏九月也經書十二月則是夏十月歷官失一閏故以九月為十月釋例長歷言諸儒皆以為冬實周之九月而書十二月謂之再失閏若如其言乃

成三失非但再也今以長歷推春秋此十二月乃夏之九月實周之十一月也此年當有閏而今不置閏此為失一閏月耳十二月不應蝨故季孫怪之仲尼以斗建在戌火星尚未盡沒據今猶見故言猶西流明夏之九月尚可有益也季孫雖聞仲尼此言猶不即改明年十二月復蝨於是始悟十四年春乃置閏欲以補正時歷也傳於十五年書閏月蓋置閏正之欲明十四年之閏於法當在十二年也 ○宋

鄭之間有隙地焉注隙地間田音義

隙去逆反間音闕又一本作間

地一音如字

曰彌作項丘玉暢岳戈錫注凡六邑音義

彌亡

支反又亡爾反項若頤反又音傾暢勅亮反一本作士暢岳五威反戈古禾反錫音羊一音星歷反

子

產與宋人為成曰勿有是注俱棄之及宋平元之族

自蕭奔鄭注在定十五年鄭人為之城崑戈錫注城

以處平元之族音義

為之丁
偽反

九月宋向巢伐鄭取錫

殺元公之孫遂圍崑十二月鄭罕達救崑丙申圍宋

師注此事經在十二月螽上今倒在下更具列其月

以為別者丘明本不以為義例故不皆齊同音義

丁倒

老反別如字

疏

注正義曰杜以此與經別故言丘明不以為義例故使文不齊同劉炫以

又彼列反

為傳說當時事耳更倒本隙地之事載其日月使與明年相接今知不然者案宣二年壬申朝于武宮是十月五日下午乃云冬趙盾為旒車之族彼注云壬申是十月五日也既有日而無月冬又在壬申下明傳

文無較例彼既無倒本其事與後年相接足知此亦不為倒本其事使九月在十二月之下明傳因簡牘舊文或日月前後不以為例若以倒敘其事為後年張本案傳之上下凡倒敘事為後年張本者唯道事之所由不具載其日月劉以此而規杜過非也

經十有三年春鄭罕達帥師取宋師于品注書取覆而

敗之

夏許男成卒注無傳音義

成音城本或作戊

公會晉侯及吳子于黃池注陳留封丘縣南有黃亭近

濟水夫差欲霸中國尊天子自去其僭號而稱子以告

令諸侯故史承而書之音義

近附近之近去起
呂反僭子念反

疏

注正
義曰

七年會吳于郟十二年會吳于橐臯皆不稱子此稱吳子故解之夫差欲霸中國尊天子而自號為王則諸侯不服故去僭號自稱吳子以告令諸侯故諸侯之策承而書曰吳子吳語說此事云晉侯命董褐告吳王曰今君奄王東海以淫名聞於天下君有短垣而自踰之况蠻荆則何有於周室夫命圭有命固曰吳伯不曰吳王諸侯是以敢辭夫諸侯無二君而周無二王君若無卑天子而曰吳公孤敢不順從君命吳王許諾是其去僭號也於此會去王號耳其於吳國猶稱王不改也

楚公子申帥師伐陳注無傳

於越入吳

秋公至自會注無傳

晉魏曼多帥師侵衛注無傳

葬許元公注無傳

九月螽注無傳書災

冬十有一月有星孛于東方注無傳平旦衆星皆沒而

孛乃見故不言所在之次音義

孛步內反疏注正義曰見賢遍反公羊傳曰

孛者何彗星也其言于東方何見平旦也杜用彼說衆星皆沒故不言所在之次

盜殺陳夏區夫注無傳稱盜非大夫音義

夏戶雅反區烏侯反

十有二月螽注無傳前年季孫雖聞仲尼之言而不正

歷失閏至此年故復十二月螽實十一月音義

復扶又反

傳十三年春宋向魋救其師注救前年圍岳師鄭子

騰使徇曰得桓魋者有賞魋也逃歸遂取宋師于岳

獲成謹郟延注二子宋大夫音義

徇似俊反謹火官反郟古報反又古

毒反以六邑為虛注空虛之名不有音義

為虛竝如字或音墟非

○夏公會單平公晉定公吳夫差于黃池注平公周

卿士也不書尊之不與會音義

單音善不與音預

○六月丙

子越子伐吳為二隧注隧道也音義

隧音遂注同

疇無餘

謳陽自南方注二子越大夫音義

謳烏侯反

先及郊吳大

子友王子地王孫彌庸壽於姚自泓上觀之注觀越

師泓水名音義

泓烏宏反

彌庸見姑蔑之旗注姑蔑越地

今東陽大末縣音義

蔑亡結反旗音其大音恭孟康云大音闕

曰吾父之

旗也注彌庸父為越所獲故姑蔑人得其旌旗不可

以見讎而弗殺也天子曰戰而不克將亡國請待之

彌庸不可屬徒五千注屬會也音義

屬音燭注同

王子地

助之乙酉戰彌庸獲疇無餘地獲謳陽越子至王子

地守丙戌復戰大敗吳師獲大子友王孫彌庸壽於

姚注地守故不獲音義守手又反下注
同復扶又反 丁亥入吳吳

人告敗于王王惡其聞也注惡諸侯聞之音義惡烏
路反

注自剄七人於幕下注以絕口音義到古
頂反 秋七月辛

丑盟吳晉爭先注爭畝血先後音義畝所洽反
又所甲反 吳人

曰於周室我為長注吳為大伯後故為長音義長丁
丈反

注竝同晉人曰於姬姓我為伯注為侯伯趙鞅呼司

馬寅注寅晉大夫曰日旰矣注旰晚也音義

旰反古大

事未成二臣之罪也注大事盟也二臣鞅與寅建鼓

整列二臣死之長幼必可知也疏

正義曰如此傳文則趙鞅先欲與吳

戰也吳語云吳晉爭長未成邊遽仍至以越亂告吳王懼乃合大夫而謀曰無會而歸與會而先晉孰利王孫雄先對曰二者莫利必會而先之乃為吳王設計布陳鷄鳴乃定去晉軍一里昧明王乃秉枹鳴鼓三軍皆譁聲動天地於是晉軍大駭乃令董褐請事賈遠等皆云董褐司馬寅也如彼文則吳請先戰國語各記其國之事言有彼此故其文不同注正義曰杜以鞅呼寅與語明其同憂國事故以二臣為鞅與寅也劉炫以為吳晉二臣今知不然者以趙鞅呼司馬寅自相與語云建鼓整列二臣死之皆是鞅寅自

謂故知二臣鞅與寅也鞅既不共吳臣對論曲直何
得以二臣為吳晉之臣劉以為吳晉之臣而規杜氏
非也建立也立鼓擊之與戰也大射禮云建鼓在阼
階西鄭玄云建猶樹也以木貫而載之樹之附也彼
謂立之於地所謂殷
人楹鼓與此別也 對曰請姑視之反曰肉食者無

墨注墨氣色下今吳王有墨國勝乎注國為敵所勝

大子死乎且夷德輕不忍久請少待之注少待無與

爭音義

輕遣

疏

正義曰吳語說此事云董褐既致命乃告趙鞅曰臣觀吳王之色類有大

憂小則嬖妾適子死不然則國有難大則越入

吳將毒不可與戰主其許之說與此傳小異

乃先

晉人注盟不書諸侯恥之故不錄疏

正義曰吳語說此事云吳公先

敵晉侯亞之與此異者經書公會晉侯及吳子傳稱公會單平公晉定公吳夫差吳皆在下晉實先矣經據魯史策書傳采魯之簡牘魯之所書必是依實國語之書當國所記或取曲筆直己辭有抑揚故與左傳異者多矣鄭玄云不可以國語亂周公所定法傳玄云國語非丘明所作凡有共說一事而二文不同必國語虛而左傳實其言相反不可強合也 吳人將以公見晉侯子服景

伯對使者曰王合諸侯則伯帥侯牧以見於王注伯

王官伯侯牧方伯音義

見晉如字又賢遍反使所吏反以見賢遍反

伯合

諸侯則侯帥子男以見於伯注伯諸侯長疏

正義曰曲禮云

五官之長曰伯是職方也九州之長入天子之國曰牧於外曰侯職方者二伯各主一方州長者州牧各

主一州周禮所謂八命作牧九命作伯是也王合諸侯則伯帥侯牧當如康王之誥大保帥西方諸侯畢公帥東方諸侯以見於王也計當盡帥諸侯獨言帥侯牧者舉尊而言其實盡帥之也伯合諸侯則侯帥子男侯謂牧也牧帥諸國之君見於伯也亦當盡帥在會諸侯獨云子男舉小為言其實亦見在會者盡帥以見伯也

自王以下朝聘玉帛不同故敝邑之職貢於

吳有豐於晉無不及焉以為伯也疏

正義曰言共職貢於吳有豐於

晉無有不及晉時以吳為伯故也

今諸侯會而君將以寡君見晉君

則晉成為伯矣敝邑將改職貢魯賦於吳八百乘若

為子男則將半邾以屬於吳注半邾三百乘音義

豐芳

中反乘繩證
反下及注同

而如邾以事晉注如邾六百乘疏

正義曰七

年傳茅夷鴻請救於吳云魯賦八百乘君之貳也邾賦六百乘君之私也今魯賦八百乘以貢於吳以吳為伯故也吳今帥魯以見於晉則吳為州牧魯為子男晉成伯矣邾是子爵以六百乘貢吳邾以吳為伯故也魯既以晉為伯吳為牧牧卑於伯則將半邾三百乘以屬於吳而如邾六百乘以事於晉也

且

執事以伯召諸侯而以侯終之何利之有焉吳人乃止既而悔之注謂景伯欺之將囚景伯景伯曰何也立後於魯矣注何景伯名將以二乘與六人從遲速唯命遂囚以還及戶牖注戶牖陳留外黃縣西北東

昏城是音義

從才用反
牖音酉

謂大宰曰魯將以十月上辛

有事於上帝先王季辛而畢何世有職焉注有職於

祭事疏

正義曰七月辛丑盟囚景伯以還今景伯稱
十月當謂周之十月周之十月非祭上帝先

公之時且祭禮終朝而畢無上辛盡於季
辛之事景伯以吳信鬼皆虛言以恐吳耳自襄以來

未之改也注魯襄公若不會祝宗將曰吳實然注言

魯祝宗將告神云景伯不會坐為吳所囚吳人信鬼

故以是恐之音義

坐才卧反
恐丘勇反

且謂魯不共而執其賤

者七人何損焉大宰詒言於王曰無損於魯而祇為

名注適為惡名音義

共音恭
祇音支

不如歸之乃歸景伯吳

申叔儀乞糧於公孫有山氏注申叔儀吳大夫公孫

有山魯大夫舊相識曰佩玉樂兮余無所繫之注樂

然服飾備也已獨無以繫佩言吳子不恤下音義

樂而

捶反又
而水反

旨酒一盛兮余與褐之父睨之注一盛一器

也睨視也褐寒賤之人言但得視不得飲音義

盛音成又

市政反下同褐戶葛反父
如字又音甫睨五計反

疏

注正義曰酒盛於器謂
一器為一盛說文云睨

邪視也詩云無衣無褐何以卒歲鄭玄云褐毛布也
人之貴者無衣賤者無褐是褐者寒賤人之衣服也

言我與彼禍之父但得共邪視之不得飲之告已之乏飲也

對曰梁則無矣麤則

有之若登首山以呼曰庚癸乎則諾注軍中不得出

糧故為私隱庚西方主穀癸北方主水傳言吳子不

與士共飢渴所以亡音義

麤本又作麤七疏

正義曰

梁為貴故以梁表精若求梁米之飯則無矣麤者則有之若我登首山以叫呼庚癸乎女則諾軍中不得出糧與人故作隱語為私期也庚在西方穀以秋熟故以庚主穀癸在北方居水之位故以癸主水言欲致飯并致飲也土地名首山關王欲伐宋殺其丈夫不知其處當在吳所營軍之旁

而囚其婦人注以宋不會黃池故言吳子悖惑音義

殺其丈夫直兩反又作大夫誤悖補內反

大宰嚭曰可勝也而弗能居也

乃歸冬吳及越平注終伍員之言疏

正義曰言吳不能報越求與之

平終伍員所謂三年始弱也

經十有四年春西狩獲麟注麟者仁獸聖王之嘉瑞也

時無明王出而遇獲仲尼傷周道之不興感嘉瑞之無

應故因魯春秋而脩中興之教絕筆於獲麟之一句所

感而作固所以為終也冬獵曰狩蓋虞人脩常職故不

書狩者大野在魯西故言西狩得用曰獲音義

狩手又反麟呂

阜反又力珍反瑞獸也解見詩音疏注正義曰公羊傳
瑞常恚反應應對之應中丁仲反疏曰麟者仁獸也何
休云一角而戴肉設武備而不為害所以為仁也鄭玄
詩箋云麟角之末有肉示有武而不用釋獸云麋麋身
牛尾一角李廵曰麟瑞應獸名孫炎曰靈獸也京房易
傳曰麟麋身牛尾狼額馬蹄有五采服下黃高丈二廣
雅云麒麟狼頭肉角含仁懷義音中鍾呂行步中規折
旋中矩遊必擇土翔必有處不履生蟲不折生草不羣
不旅不入陷穿不入羅網文章斌斌說文云麒麟獸從
鹿其聲麟大牝鹿也從鹿犇聲公羊傳曰麟有王者則
至無王者則不至孝經援神契云德至鳥獸則麒麟臻
是言麟為聖王之嘉瑞也此時無明王麟出無所應也
出而遇獲失其所以歸也夫以靈瑞之物輒軻若是聖
人見此能無感乎所以感者以聖人之生非其時道無
所施言無所用與麟相類故為感也仲尼見此獲麟於
是傷周道之不興感嘉瑞之無應故因魯春秋文加褒

賤而修中興之教也。能用此道則周室中興，故謂春秋為中興之教也。春秋編年之書不待年終而絕筆於獲麟之一句者，本以所感而作，故所以用此為終也。釋天云冬獵為狩，周之春夏之冬，故稱狩也。桓四年公狩于郎，莊四年公及齊人狩于禚，禚郎二者公親行，皆書公狩。此狩不書公卿者，蓋是虞人賤官自修常職，公卿不行，故不書。狩者名氏，此狩常事，本不合書。書之為獲麟，故也。傳稱狩于大野，大野之澤在魯國之西，故言西狩。得用曰獲，定九年傳例也。杜以獲麟之義，唯此而已。先儒穿鑿妄生異端，公羊傳曰有以告者曰有麇而角者，孔子曰孰為來哉，孰為來哉，反袂拭面，涕沾袍，曰吾道窮矣。說公羊者云麟是漢將受命之瑞，周亡天下之異。夫子知其將有六國爭彊，秦項交戰，然後劉氏乃立。夫子深閔民之離害，故為之隕泣。麟者太平之符，聖人之類。又云麟得而死，此亦天告夫子將沒之徵也。案此時去漢三百七十有餘年矣。漢氏起於匹夫，先無王迹，前

期三百許歲天已豫見徵兆其為靈命何太遠乎言既不經事無所據苟佞時世妄為虛誕故杜氏序云至於反袂拭面稱吾道窮亦無取焉蓋賤其虛誣鄙其妖妄故無所取之也說左氏者云麟生於火而遊於土中央軒轅大角之獸孔子作春秋春秋者禮也脩火德以致其子故麟來而為孔子瑞也奉德侯陳欽說麟西方毛蟲金精也孔子作春秋有立言西方兌為口故麟來許慎稱劉向尹更始等皆以為吉凶不竝瑞災不兼今麟為周異不得復為漢瑞知麟應孔子而至鄭玄以為脩母致子不如立言之說密也賈逵服虔穎容等皆以為孔子自衛反魯考正禮樂脩春秋約以周禮三年文成致麟麟感而至取龍為水物故以為脩母致子之應若然龍為水物以其育於水耳麟生於火豈其產於火乎孔子之作春秋門徒盡知之矣丘明親承聖旨目見獲麟丘明何以不言弟子何以不說子思孟軻去聖尤近荀卿著書尊崇孔德麟若應孔子而來著書無容不述

何乃經傳羣籍了爾不言以
其既妖且妄故杜悉無所取

小邾射以句繹來奔注射小邾大夫句繹地名春秋

止於獲麟故射不在三叛人之數自此以下至十六

年皆魯史記之文弟子欲存孔子卒故并錄以續孔

子所脩之經音義

射音亦句古疏注正義曰此文與侯氏繹音亦邾庶其黑肱莒牟

夷文同知射是小邾大夫以句繹之地來奔魯也其事既同其罪亦等傳稱庶其等為三叛人不通數此為四叛人者以春秋之經止於獲麟獲麟以上褒貶是仲尼之意此雖文與彼同而事非孔意故不數也若然魯史書此舊與彼同則竊地顯名史先然矣而昭三十一年傳盛論書三叛人名懲不義也其善志

也杜言書曰故書皆是仲尼新意案此類彼則彼是舊文言新意者仲尼所脩有因有革因者雖是仲尼因舊舊合仲尼之心因而不改即是新意所以彼傳歸功脩者謂之善志為傳所以脩之既定乃成為善也故釋例終篇杜自問而釋之云丘明之為傳所以釋仲尼春秋仲尼春秋皆因舊史策書義之所在則時加增損或仍舊史之無或改舊史之有雖因舊文固是仲尼之書也丘明所發固是仲尼之意也是其說也公羊穀梁之經皆至獲麟而盡左氏之經更有此下事者自此已下至十六年皆是魯史記事之正文也仲尼所脩脩此記也此上仲尼脩記此下是其本文弟子欲存孔子卒故因經之末并錄魯之舊史以續孔子所脩之經記仲尼卒之日月示後人使知之耳賈逵亦云此下弟子所記但不言是魯之舊史耳

夏四月齊陳恒執其君寘于舒州音義寘之疏曰成

十七年晉樂書執晉厲公亦先執後弑與此事同彼不書者或此告彼不告且此非孔子所脩不可以為

也例

庚戌叔還卒注無傳

五月庚申朔日有食之注無傳

陳宗豎出奔楚注無傳音義豎上主反

宋向魍入于曹以叛注曹宋邑音義向舒又反魍徒回反

莒子狂卒注無傳音義狂其廷反

六月宋向魍自曹出奔衛宋向巢來奔

齊人弑其君壬于舒州疏

正義曰宣四年傳例曰凡弑君稱君君無道也稱臣

臣之罪也發凡言例是周公舊典此魯史不書陳恒之名蓋依凡例以齊君無道故

秋晉趙鞅帥師伐衛注無傳音義

鞅於文反

八月辛丑仲孫何忌卒

冬陳宗豎自楚復入于陳陳人殺之注無傳音義

復扶

又反陳轅買出奔楚注無傳

有星孛注無傳不言所在史失之音義

字步內反

饑注無傳

傳十四年春西狩於大野叔孫氏之車子鉏商獲麟

注大野在高平鉅野縣東北大澤是也車子微者鉏

商名音義

鉏仕 鉏反 疏注正義曰鉏訓大也由其旁有大澤故縣以鉏野為名其澤在曲阜

之西故稱西狩不書地者得常不書也賈逵云周在西明夫子道繫周服虔云言西者有意於西明夫子

有立言立言之位在西方故著於西也案此澤實在魯西舊史因書西耳仲尼不改舊史何以得示已意

若其本實東狩仲尼不得輒改為西以已意之所示妄改魯之狩處雖則下愚知其不可豈有斯人而為

斯事以此立說何妄之甚杜以車子連文為將車之子故為微者鉏商是其名也家語說此事云叔孫氏

之車士曰子鉏商王肅云車士將車者也子姓鉏商名今傳無士字服虔云車車士微者也子姓鉏商名以子為姓與杜異以為不祥以賜虞人注時所未嘗見故怪

之虞人掌山澤之官疏

正義曰家語云子鉏商采薪於大野獲麟焉折其前左足

載而歸叔孫以為不祥棄之於郭外使人告於孔子孔子曰麟也然後取之王肅云傳曰狩此曰采薪時實狩獵鉏商非狩者采薪而獲麟也傳曰以賜虞人此云棄之於郭外棄之於郭外所以賜虞人也然肅意欲成彼家語令與經傳符同故強為之辭冀合其說要其正文乖不可合也今傳言狩而獲麟非采薪者也鉏商不是狩者麟非狩之所獲何以書為狩乎以賜虞人虞人當受之矣棄郭外非賜人之辭不得棄之以為賜人也公羊傳曰西狩獲麟何以書記異也何異爾非中國之獸也然則執狩之薪采者也薪

采者則微者也曷為以狩言之大之也曷為大之為
獲麟大之也則公羊之意當時實無狩者為大麟而
稱狩也家語雖出孔家乃是後世所錄取公
羊之說飾之以成文耳不可與左氏合也 仲尼觀

之曰麟也然後取之注言魯史所以得書獲麟疏注

正注

義曰若舉國不識則無由得書傳說仲尼觀之言魯
史所以得書獲麟由仲尼辯之故也服虔云仲尼名
之曰麟明麟為仲尼至也然則麟非常見魯人所疑
仲尼聖者所言必信故魯從而取之此則愚民之信
聖也服虔以仲尼名之即云為仲尼至然則防風之
骨肅慎之天季氏之瑣羊楚王之萍實皆問仲尼而
後知豈為仲尼至也 ○小邾射以句繹來奔曰使季路要我吾

無盟矣注子路信誠故欲得與相要誓而不須盟孔

子弟子既續書魯策以繫於經丘明亦隨而傳之終

於哀公以卒前事其異事則皆畧而不傳故此經無

傳者多音義

要於妙反又
一遙反注同

使子路子路辭季康子使

冉有謂之曰千乘之國不信其盟而信子之言子何

辱焉對曰魯有事于小邾不敢問故死其城下可也

彼不臣而濟其言是義之也由弗能注濟成也音義

乘繩證反

疏

正義曰季孫之意以小邾射不信千乘
之國而信子路之言是其重子路過於

年內同

一國子路當以為禁不宜恥與言約子路之意魯伐
小邾非已能禁將令已言不信不可與射約也又射

是竊地叛臣臣之罪惡者也而子路與之相要○齊
便是以射為義恥與不義交好故辭而不能也

簡公之在魯也闕止有寵焉注簡公悼公陽生子壬

也闕止子我也事在六年音義

闕若暫反

及即位使為政

陳成子憚之驟顧諸朝注成子陳常心不安故數顧

之音義

憚大旦反驟仕救反數所角反

諸御鞅言於公注鞅齊大夫

曰陳闕不可竝也君其擇焉注擇用一人弗聽子我

夕注夕視事陳逆殺人逢之陳逆子行陳氏宗也子

我逢之遂執以入注執逆至朝陳氏方睦注欲謀齊

國故宗族和使疾而遺之潘沐備酒肉焉注使詐病

因內潘沐并得內酒肉潘米汁可以沐頭音義

遺唯季反

潘芳袁反注皆同沐音木汁之十反

饗守囚者醉而殺之而逃子我盟

諸陳於陳宗注失陳逆懼其反為患故盟之疏

正義曰陳

宗陳氏宗主謂陳成子也盡集陳氏宗族就成子家盟也

初陳豹欲為子我臣注

豹亦陳氏族使公孫言已注言已介達之音義

介音界媒

介也亦因也

已有喪而止既而言之注既終喪也曰有陳

豹者長而上僂注肩背僂音義

長如字又丁文反僂力主反

望視

注目望陽事君子必得志注得君子意欲為子臣吾
憚其為人也注恐多詐故緩以告子我曰何害是其
在我也使為臣他日與之言政說遂有寵謂之曰我
盡逐陳氏而立女若何對曰我遠於陳氏矣注言已

疏遠音義

說音悅女音汝遠如字又于萬反

且其違者不過數人注

違不從也音義

數所主反

何盡逐焉遂告陳氏子行曰彼

得君弗先必禍子子行舍於公宮注子行逃而隱於

陳氏今又隱於公宮夏五月壬申成子兄弟四乘如

公注成子之兄弟昭子莊簡子齒宣子夷穆子安廩

丘子意茲芒子盈惠子得凡八人二人共一乘音義

廩力甚反

疏

注正義曰案世本僖子生昭子莊簡子齒宣子其夷穆子安廩丘子鑿茲芒子

芒音亡

盈惠子得子我在幄注幄帳也聽政之處音義

幄於角反處昌慮反

出逆之遂入閉門注成子入反閉門不納子我侍人

禦之注子我侍人音義

禦本亦作御魚呂反

子行殺侍人注素

在內故得殺之公與婦人飲酒于檀臺成子遷諸寢

注徙公使居正寢音義

檀大丹反

公執戈將擊之注疑其

欲作亂大史子餘曰非不利也將除害也注言將為

公除害音義

大音泰將為于偽反下文
逆為余請下注為公同

成子出舍于

庫注以公怒故聞公猶怒將出曰何所無君子行抽

劍曰需事之賊也注言需疑則害事音義

需音須

誰非

陳宗注言陳氏宗族衆多疏

正義曰子行稱國內之人
誰非陳宗言陳氏宗

族衆多力足成事何
為畏子我欲出奔

所不殺子者有如陳宗注言子

若欲出我必殺子明如陳宗疏

正義曰子行慮其必
出故以殺子懼之陳

宗謂陳之先人此稱有如陳宗由定六年孟懿子謂
范獻子曰所不以陽虎為中軍司馬者有如先君彼

注云稱先君以徵其言此亦然也服虔云陳宗先祖鬼神也

乃止子我歸屬徒攻

闡與大門注闡宮中小門大門公門也音義

屬之欲反闡音

韋疏

注正義曰釋宮云宮中之門謂之闡孫炎曰宮中相通小門也成子在公宮內知大門公門也

計闡在宮內必是得入大門乃得至闡今言攻闡與大門皆不勝者公宮非止一門蓋從別門而入兵得至闡故與大門並攻也皆不勝乃出陳氏追之失道於弇中適

豐丘弇中狹路豐丘陳氏邑音義

弇於檢反又音淹狹音洽

豐丘

人執之以告殺諸郭闡注齊闡名成子將殺大陸子方注子方子我臣陳逆請而免之以公命取車於道

注子方取道中行人車及彫衆知而東之注知其矯

命奪車逐使東音義

彫音而橋本又作橋居表反

出雍門注齊城

門也音義

雍於用反

陳豹與之車弗受曰逆為余請豹與

余車余有私焉事子我而有私於其讎何以見魯衛

之士注傳言陳氏務施音義

施式政反

東郭賈奔衛注賈

即子方庚辰陳恒執公于舒州公曰吾早從鞅之言

不及此注悔不誅陳氏○宋桓魋之寵害於公注恃

寵驕盈公使夫人驟請享焉而將討之注夫人景公

母也數請享飲欲因請討之音義數所未及魍先謀

公請以鞏易薄注鞏向魍邑薄公邑欲因易邑為公

享宴而作亂音義鞏音安公曰不可薄宗邑也注宗廟

所在乃益鞏七邑而請享公焉注偽喜於受賜以日

中為期家備盡往注甲兵之備公知之告皇野曰余

長魍也注少長育之皇野司馬子仲音義長丁文反注同少詩

照反今將禍余請即救司馬子仲曰有臣不順神之所

惡也而况人乎敢不承命不得左師不可注左師向

魁兄向巢也音義惡鳥路反請以君命召之左師每食擊

鍾聞鍾聲公曰夫子將食既食又奏注奏樂公曰可

矣以乘車往曰迹人來告注主迹禽獸者音義迹子亦反

疏注正義曰周禮地官迹人掌邦田之政凡田獵者受命焉鄭玄云迹之言跡知禽獸之處也曰

逢澤有介麋焉注地理志言逢澤在滎陽開封縣東

北遠疑非介大也音義介音界麋九倫反獐疏注正也本又作麋亡悲反疏注正義曰

漢書地理志云開封縣逢池在東北或曰宋之逢澤也臣瓚案汲郡古文梁惠王廢逢忌之藪以賜民今

浚儀縣有逢忌陂是也土地名宋都睢陽計去開封

四百餘里非輕行可到故杜以遠疑非也蓋於宋都

之旁別有近地名逢澤也介大也釋詁文案方言畜
無耦曰介杜云大者逢澤大處不應唯有一廩若迹
人止告一廩不應公喚左師俱獵故以公曰雖魍未
介為大劉炫以為一廩而規枉氏非也

來得左師吾與之田若何注皇野稱公命君憚告子

注難以遊戲煩大臣音義

難乃旦反下
文及注同

野曰嘗私焉

注嘗試也君欲速故以乘車逆子與之乘至公告之

故拜不能起司馬曰君與之言注使公與要誓公曰

所難子者上有天下有先君注言雖誅魍要不負言

使禍難及子對曰魍之不共宋之禍也敢不唯命是

聽司馬請瑞焉注瑞符節以發兵疏

注正義曰周禮典瑞云牙璋以

起軍旅以治兵守鄭衆云牙璋琢以為牙牙齒兵象故以牙璋發兵若今時以銅虎符發兵也彼用牙璋天子之法諸侯於其封內亦自以瑞發兵其物無文以言之以命其徒攻桓氏注

桓氏向魍其父兄故臣曰不可注司馬故臣與桓魍

無怨者其新臣曰從吾君之命遂攻之子願騁而告

桓司馬注子願桓魍弟桓司馬即魍也音義

願音祈騁勅領

反司馬欲入注入攻君子車止之注車亦魍弟曰不

能事君而又伐國民不與也祇取死焉向魍遂入于

曹以叛注哀八年宋滅曹以為邑音義

支 祇音

六月使

左師巢伐之欲質大夫以入焉注巢不能克魍恐公

怒欲得國內大夫為質還入國音義

質音致注及下同

不能

亦入于曹取質注不能得大夫故入曹劫曹人子弟

而質之欲以自固魍曰不可既不能事君又得罪于

民將若之何乃舍之注舍曹子弟音義

舍音赦又音捨注同

民

遂叛之向魍奔衛向巢來奔宋公使止之曰寡人與

子有言矣不可以絕向氏之祀辭曰臣之罪大盡滅

桓氏可也若以先臣之故而使有後君之惠也若臣則不可以入矣司馬牛致其邑與珪焉而適齊注牛

桓魋弟也珪守邑符信向魋出於衛地公文氏攻之

注公文氏衛大夫求夏后氏之璜焉與之他玉而奔

齊陳成子使為次卿司馬牛又致其邑焉而適吳注

示不與魋同音義夏戶雅反璜音黃吳人惡之而反趙簡子

召之陳成子亦召之卒於魯郭門之外阮氏葬諸丘

輿注阮氏魯人也泰山南城縣西北有輿城錄其卒

莫所在愍賢者失所音義

惡烏路反阮苦夷反或音罔與音余

○甲午

齊陳恒弑其君壬于舒州注壬簡公也孔丘三日齊而請伐齊三公曰魯為齊弱久矣子之伐之將若之何對曰陳恒弑其君民之不與者半以魯之衆加齊

之半可克也公曰子告季孫孔子辭注辭不告音義

三日齊側皆反本又作齊伐齊三如字又息皆反

退而告人曰吾以從大夫

之後也故不敢不言注嘗為大夫而去故言後疏

正義

曰論語錄此事與此小異彼云沐浴而朝此云齊而請彼云公曰告夫三子此云公曰子告季孫禮齊必

沐浴三子季孫為長各記其一故不同耳彼於退而告人之下又云之三子告此無文者傳是史官所錄記其與君言耳退後別告三子唯弟子知之史官不見其告故傳無文也 ○初孟孺子洩

將圍馬於成注洩孟懿子之子孟武伯也圍畜養也

成孟氏邑音義

洩息列反
圍魚呂反

成宰公孫宿不受曰孟孫

為成之病不圍馬焉注病謂民貧困音義

為于偽反

孺子

怒襲成從者不得入乃反成有司使孺子鞭之注恨

恚故鞭成有司之使人音義

從者才用反使所吏反注同恚一瑞反

秋

八月辛丑孟懿子卒成人奔喪弗內袒免哭于衢聽

共弗許注請聽命共使音義

內如字又音納袒音但
免音問衛其俱反共音

恭注懼不歸注不敢歸成為明年成叛傳

十有五年春王正月成叛

夏五月齊高無丕出奔北燕注無傳音義

平普
悲反

鄭伯伐宋注無傳

秋八月大雩注無傳音義

雩音
于

晉趙鞅帥師伐衛注無傳

冬晉侯伐鄭注無傳

及齊平注魯與齊平

衛公孟彊出奔齊注無傳音義

彊苦侯反

傳十五年春成叛于齊武伯伐成不克遂城輸注以

偏成○夏楚子西子期伐吳及桐汭注宣城廣德縣

西南有桐水出白石山西北入丹陽湖音義

汭如鏡反陳

侯使公孫貞子弔焉注弔為楚所伐及良而卒注良

吳地將以尸入注聘禮若賓死未將命則既斂于棺

造於朝介將命音義

斂力驗反下同造七報反下文注皆倣此疏

注正義曰聘禮文也服虔云在牀曰尸在棺曰柩禮稱既斂於棺傳言將以尸入者記言對文耳散則可以通隱元年傳曰贈死不及尸注云尸未葬之通稱也案聘禮賓入竟而死遂也主人為之具而殯介攝其命君弔介為主主人歸禮幣必以用介受賓禮無辭也不饗食此謂入竟未至國都賓死其禮如此聘禮又云若賓死未將命則既斂于棺造於朝介將命鄭注云未將命謂侯間之後也此謂賓已至朝主人將欲行禮賓請問之後賓死以柩造朝以尸將事今公孫貞子卒於竟內依禮唯可以尸而入殯於賓館不合以柩造朝以尸將事今上介芋尹云以尸將事者以吳人不納故芋尹引禮深以辯之杜以傳有以尸將事故引聘禮斂于棺造于朝介將命以釋之其實貞子當殯於館不得以尸將事也

吳子

使大宰嚭勞且辭曰以水潦之不時無乃廩然隕大

夫尸注廉然傾動貌音義

勞力報反濼音老廉力以甚反隕于敏反下同

重寡君之憂寡君敢辭上介芋尹蓋對注蓋陳大夫

貞子上介音義

重直用反下注同寡君敢辭上介絕句芋音于付反

曰寡君聞

楚為不道荐伐吳國注荐重也音義

荐在編反

滅厥民人

寡君使蓋備使弔君之下吏注備猶副也音義

備使所吏

反蓋芋尹蓋辭同

無祿使人逢天之感大命隕墜絕世于良

注絕世猶言棄世廢曰共積注廢行道之日以共具

殞斂所積聚之用音義

共音恭注同積子賜反又如字注同殞必刃反聚才喻反

又如一曰遷次注一日便遷次不敢留君命今君命

逆使人曰無以尸造于門是我寡君之命委于草莽也且臣聞之曰事死如事生禮也於是乎有朝聘而

終以尸將事之禮注朝聘道死以尸行事音義莽亡黨反

又有朝聘而遭喪之禮注遭所聘之喪疏正義曰上注所引者

是聘賓終以尸將事之禮聘禮又云聘禮喪入竟則遂也不郊勞不筵几主人畢歸禮賓唯饗餼之受是聘而遭喪之禮也其朝禮雖亡賓終及主遭喪必亦有禮文六年季文子聘於晉求遭喪之禮是也若

不以尸將命是遭喪而還也無乃不可乎以禮防民

猶或踰之今大夫曰死而棄之是棄禮也其何以為

諸侯主注謂主盟也先民有言曰無穢虐士注虐士

死者備使奉尸將命苟我寡君之命達于君所雖隕

于深淵則天命也非君與涉人之過也吳人內之注

傳言芋尹蓋知禮音義內如字又音納○秋齊陳瓘如楚注

瓘陳亘之兄子玉也音義瓘古喚反過衛仲由見之注仲

由子路音義過古禾反曰天或者以陳氏為斧斤既斲喪

公室而他人有之不可知也其使終饗之亦不可知

也注饗受也音義

斷陟角反喪息浪反下注皆同

若善魯以待時不

亦可乎何必惡焉注仲由事孔子故為魯言音義

故為

于偽反下為衛為請竝同

子玉曰然吾受命矣子使告我弟注弟

成子也○冬及齊平子服景伯如齊子贛為介見公

孫成注公孫成成宰公孫宿也傳人皆臣人而子有背

人之心况齊人雖為子役其有不貳乎注言子叛魯

齊人亦將叛子音義

背音疏

正義曰人皆臣人謂凡人皆臣事於人當一心

事上今公孫成而有背人之心謂背魯適齊况他國齊人雖為子役豈有不學子而為叛貳乎言必效子

而為叛貳故杜云言子
叛魯齊人亦將叛子也

子周公之孫也多饗大利猶

思不義利不可得而喪宗國將焉用之注喪宗國謂

以邑入齊使魯有危亡之禍音義

馬於
虎反

成曰善哉吾

不早聞命注傳言仲尼之徒皆忠於魯國陳成子館

宋注使景伯子贛就館曰寡君使恒告曰寡人願事

君如事衛君注言衛與齊同好而魯未肯音義

好呼
報反

景伯揖子贛而進之對曰寡君之願也昔晉人伐衛

注在定八年齊為衛故伐晉冠氏喪車五百注在定

九年冠氏陽平館陶縣音義冠如字又古喚反因與衛地自

濟以西襍媚杏以南書社五百注二十五家為一社

籍書而致之音義濟子禮反襍諸若反吳人加敝邑以亂注在

八年齊因其病取謹與闡注亦在八年寡君是以寒

心若得視衛君之事君也則固所願也成子病之乃

歸成注病其言也公孫宿以其兵甲入于羸注羸齊

邑音義羸音盈○衛孔圉取大子蒯賁之姊生悝注孔

圉孔文子也蒯賁姊孔伯姬音義圉魚呂反蒯苦怪反賁魚怪反悝苦

回孔氏之豎渾良夫長而美孔文子卒通於內注通

伯姬音義

渾戶門反長丁
文反又如字

大子在戚孔姬使之焉注

使良夫詣大子所音義

使之所吏
反又如字

大子與之言曰苟

使我入獲國服寃乘軒三死無與注寃大夫服軒大

夫車三死死罪三音義

無與
音預

與之盟為請於伯姬注

良夫為大子請閏月良夫與大子入舍於孔氏之外

圃注圃音義

國布
五反

昏二人蒙衣而乘注二人太子

與良夫蒙衣為婦人服也音義

乘繩證反
下及注同

寺人羅御

如孔氏孔氏之老樂寧問之稱姻妾以告注自稱婚

姻家妾音義

樂力丸反
姻音因

遂入適伯姬氏既食孔伯姬

杖戈而先大子與五人介與緞從之注介被甲與緞

豚欲以盟音義

杖直亮反又音丈
緞音加被皮寄反

疏正義曰緞是豕之牡者傳稱諸

侯盟誰執牛耳則盟當用牛此用豕者鄭玄云人君用牛伯姬迫孔悝以緞下人君耳然則崩贖自謀取國寧復降下人君於時迫促難得牲耳牲不備牛如孟任割臂以盟莊公遠昭王割子期之心以盟隨人此及明年太子疾與緞為盟皆臨時偏切難以禮論也

迫孔悝於廁強盟之注

孔氏專政故劫孔悝欲令逐輒音義

迫孔悝本又作叔悝廁初吏反

強其丈反劫居業反令力呈反

遂劫以登臺樂寧將飲酒炙未熟聞

亂使告季子注季子子路也為孔氏邑宰音義

炙章夜反

下疏

注正義曰論語稱子路為季路則字季故呼為季子也使告季子則季子在外下云食馬不辟

其難是食孔氏之祿故知為孔氏邑宰

召獲駕乘車注召獲衛大夫駕

乘車者不欲戰音義

召上照反注同

行爵食炙疏

正義曰丘明為傳雖

詳於當時而此大頓碎計樂寧飲酒無可記錄又此句顛倒辭義不允若倒此一句則上下各自相連當

是後來誤耳

奉衛侯輒來奔季子將入遇子羔將出注子

羔衛大夫高柴孔子弟子將出奔曰門已閉矣季子

曰吾姑至焉注且欲至門子羔曰弗及不踐其難注

言政不及已可不須踐其難音義

難乃旦反注及下皆同

季子

曰食焉不辟其難注謂食孔氏祿疏

正義曰子羔謂季子將欲救君

故言政不及已不當踐其難季子欲救孔悝故言食其祿焉不辟其難

子羔遂出子路

入及門公孫敢門焉注守門曰無入為也注言輒已

出無為復入音義

復扶又反

季子曰是公孫也求利焉而

逃其難由不然利其祿必救其患有使者出乃入注

因門開而入音義

使所吏反

曰大子焉用孔悝雖殺之必

或繼之注言已必繼孔悝為難攻大子音義

馬於

且

曰大子無勇若燔臺半必舍孔叔大子聞之懼下石

乞孟厲敵子路注二子蒯瞶黨敵當也音義

燔音煩
舍音捨

又如字孟音
于厲於滅反以戈擊之斷纓子路曰君子死冠不免

注不使冠在地音義

斷丁管反

結纓而死孔子聞衛亂曰

柴也其來由也死矣孔悝立莊公注莊公蒯瞶也莊

公害故政欲盡去之注故政輒之臣音義

去起呂反

先謂

司徒瞞成曰寡人離病於外久矣子請亦嘗之歸告

褚師比欲與之伐公不果注比褚師聲子為明年瞞

成奔起音義

瞞莫干反
褚申呂反

春秋左傳注疏卷五十九

春秋左氏傳注疏卷五十九考證

用田賦○林堯叟曰以邱賦一乘為未足又以田賦之也

公會吳于橐臯注橐臯在淮南逡道縣東南○臣召南

按漢書地利志後漢郡國志皆作浚道晉志作逡道
蓋前漢浚道及橐臯二縣並屬九江郡後漢省橐臯
入浚道晉又改為逡道屬淮南郡耳

傳今火猶西流○漢書律歷志曰哀公十二年冬十二

月流火非建戌之月也是月也螽故傳曰火伏而後
螽者畢今火猶西流司歷過也詩曰七月流火

公會晉侯及吳子于黃池○孫復曰黃池之會其言公
會晉侯及吳子者主在吳子也吳自柏舉之戰勢橫
中國諸侯皆宗于吳晉侯不見者二十四年晉之不
能主諸侯可知也

傳彌庸見姑蔑之旗注今東陽大末縣○末監本訛作

宋今改正

傳乃先晉人疏吳語說此事云吳公先畝晉侯亞之○

臣照

按孔氏之意謂吳語非實當從左氏但晉已積弱未必左傳之為是而吳語之為非且少待之後畢竟云何而仍先晉人傳不應如是函胡其詞也疑本是乃先吳人訛作晉耳若夫左氏作春秋傳又作國語而自相矛盾者多則不得疑為國語非左氏之書作春秋傳則從魯史作吳語則從吳史信以傳信疑以傳疑左氏不得臆斷而妄改也

傳若登首山以呼曰庚癸乎疏言欲致飯并致飲也○
飯監本訛作餅今改正

西狩獲麟注所感而作固所以為終也○臣浩按諸家

說獲麟以為文成瑞應穿鑿不經不如杜氏之明白
簡易

又疏中央軒轅大角之獸○臣浩按天官書曰軒轅

黃龍體大角者天王帝廷臣召南按龍鳳白虎玄武

於天文各占七宿而麟則應中央軒轅大角二星也

然觀公羊疏緯書言麟錯雜不一

小邾射以句繹來奔○

臣召南

按自此以下皆傳補經

也各本俱與經平寫唯舊本比經文低一字甚是今從之又按杜註以下皆魯史記之文恐不如賈遠說是弟子所記

傳闕止有寵焉注闕止子我也○

臣召南

按齊世家全

用此傳文而於田敬仲完世家則曰子我者闕止之宗人也離闕止子我為二人誤矣

傳逢澤有介廩焉注地理志言逢澤在滎陽開封縣東北○臣召南按滎陽二字似衍漢志本文開封逢池在東北耳漢時開封屬河南郡晉始屬滎陽郡似不
得以晉時郡名混入漢志也

傳孔丘三日齊而請伐齊三○王應麟曰請討陳恒之
年春秋終焉夫子之請討也將以見之行事請討不
從然後託之空言

傳成曰善哉吾不早聞命注傳言仲尼之徒皆忠於魯

國○王應麟曰史記載夫子之言曰夫魯父母之國
國危如此二三子何為莫出此夫子之訓也

傳乃歸成○

臣浩

按魯世家曰使子服景伯子貢為介

適齊齊歸我侵地即此事也

傳公孫宿以其甲兵入于羸注羸齊邑○

臣召南

按漢

志泰山郡有羸縣即此地也齊之南界邑

春秋左氏傳注疏卷五十九考證

謹按第三頁前四行注孔子始老故與弔也刊本
監本毛本與並記為據宋本改

第三頁後三行疏於傳文上下諸本文訛云據宋
本改

第七頁前七行疏則是夏十月諸本十訛九據宋
本改

後四行疏於法當在十二年也諸本年訛月據宋
本改

後七行音義一本作士暢諸本土訛玉據宋本改
第九頁前一行注故史承而書之諸本史訛使據

宋本改

第十五頁前七行疏當在吳所營軍之旁諸本旁

訛方據宋本改

第十七頁前八行疏荀卿著書刊本卿訛鄉今改
第二十四頁後二行注逐使東諸本逐訛遂據宋

本改

第二十五頁後六行音義本又作麋刊本麋訛麋
今改

第二十六頁前八行注使禍難及子刊本子訛于
今改

第二十七頁後六行注示不與魁同諸本示訛亦
據宋本改

第三十頁後七行注絕世猶言棄世諸本世訛也
據宋本改

第三十一頁前一行注一日便遷次諸本便訛使

據宋本改

第三十二頁前五行傳人皆臣人而子有背人之

心諸本脫子字據宋本改

第三十三頁前八行音義圍魚呂反刊本呂訛已

據釋文改

第三十四頁前七行疏難以禮論也諸本禮訛文

據宋本改



覆校官編修臣項家達

校對官檢討臣郭寅

騰錄監生臣徐麟趾

欽定四庫全書薈要

經部
左傳注疏卷六十




春秋左傳注疏卷六十

起哀公十六年
盡二十七年

晉杜氏注

唐陸德明音義

孔穎達疏


十有六年春王正月己卯衛世子蒯聵自戚入于衛
衛侯輒來奔注書此春皆從告

二月衛子還成出奔宋注即瞞成音義

還音旋

夏四月己丑孔丘卒注仲尼既告老去位猶書卒者
魯之君臣宗其聖德殊而異之魯襄二十二年生至

今七十三也四月十八日乙丑無已丑已丑五月十

二日日月必有誤音義

孔子卒孔子作春秋終於獲麟之一句公羊穀梁經是也

弟子欲記聖師之卒故採魯史記以續夫子之經而終於此丘明因隨而作傳終於哀公從此已下無復

經矣魯襄二十二年生至今七十三也本或作魯襄二十三年生至今七十一則與史記孔子世家異此

本非疏注正義曰魯臣見為卿乃書其卒致事而卒也猶尚不書仲尼書卒者魯之君臣宗其聖德

殊而異之故特命史官使書其卒耳孔子世家云魯襄公二十二年而孔子生孔子年七十三以魯哀公

十六年四月己丑卒杜自以長歷校之四月十八日有乙丑無己丑己丑乃是五月十二日也日月必有

誤者劉炫云春秋之例卿乃書卒縱令仲尼不告老例不合書而杜云告老去位猶書卒非也今知不然

者案周禮典命云公侯伯之卿三命大夫再命仲尼為魯大夫夾谷之會攝相事十一年傳云子為國老是大夫尊者則二命以上準例合書故杜為此注或曰杜為抑揚之辭以為仲尼縱未去位例不合書告老去位猶書卒者欲明魯之君臣宗其聖德之甚劉不尋杜旨以為例不合書而規杜過非也

傳十六年春瞞成禘師比出奔宋注欲伐莊公不果

而奔衛侯使鄆武子告于周注武子衛大夫盱也音

義

鄆於虔反盱許乙反

曰蒯瞶得罪于君父君母逋竄于晉晉

以王室之故不棄兄弟寘諸河上注河上戚也音義

逋布吳反竄七

亂反寘之致反

天誘其衷獲嗣守封焉使下臣盱敢

告執事王使單平公對曰肸以嘉命來告余一人往謂叔父余嘉乃成世復爾祿次敬之哉注繼父之世

還居君之祿次音義

衷音忠單音善余嘉乃成世絕句

方天之休注

言天方受爾以休音義

休音許蚘反注及下同美也

弗敬弗休悔

其可追注傳終蒯賸之事○夏四月己丑孔丘卒公誅之曰旻天不弔不憇遺一老俾屏余一人以在位

注仁覆閔下故稱旻天弔至也憇且也俾使也屏蔽

也音義

誅力軌反說文云誼也旻亡巾反弔如字又音的憇魚覲反俾必爾反屏必領反

熒

滄余在疚嗚呼哀哉尼父無自律注疚病也律法也

言喪尼父無以自為法音義

滄求營反疚久又反父音甫喪息浪反

疏

正義曰周禮大祝掌作六辭以通上下親疎遠近六
曰誅鄭衆曰誅謂積累生時德行以賜之命主為其
辭即引此傳是為賜命之辭也鄭玄禮記注云誅累
也累列生時行迹讀之以作諡此傳唯說誅辭不言
作諡傳記羣書皆不載孔子之諡蓋唯累其美行示
已傷悼之情而賜之命耳不為之諡故書傳無稱焉
至漢王莽輔政尊尚儒術封孔子後為褒成侯追諡
孔子為褒成宣尼君明是舊無諡也鄭玄禮注云尼
父因其字以為之諡謂諡孔子為尼父鄭子贛曰君
玄錯讀左傳云以字為諡遂復妄為此解

其不沒於魯乎夫子之言曰禮失則昏名失則愆失

志為昏失所為愆生不能用死而誅之非禮也稱一

人非名也注天子稱一人非諸侯之名音義

愆起

君

兩失之○六月衛侯飲孔悝酒於平陽注東郡燕縣

東北有平陽亭音義

飲於

重酬之大夫皆有納焉注

納財賄也醉而送之夜半而遣之注夜遣者愆負孔

悝不欲令人見音義

命力

載伯姬於平陽而行注載

其母俱去及西門注平陽門使貳車反祔於西圃注

使副車還取廟主西圃孔氏廟所在祔藏主石函音

義

祐音石 圃布 五反 函音咸

疏

注正義曰少牢饋食大夫之祭禮其祭無主鄭玄祭法注云惟天子

諸侯有主神祿大夫不禘祿無主耳今孔悝得有主者當時僭為之非禮也鄭玄駁異義云大夫無主孔悝之反祐所出公之主耳案孔氏姑姓春秋時國唯南燕為姑姓耳孔氏仕於衛朝已歷多世不知本出何國安得有所出公之主也知是僭為之耳

子伯季子初為孔氏臣新登

于公注升為大夫請追之遇載祐者殺而乘其車注

子伯殺載祐者許公為反祐注孔悝怪載祐者久不

來使公為反逆之音義

許公為如字人姓名反本亦作返音同

遇之曰

與不仁人爭明無不勝注不仁人謂子伯季子也明

無不勝言必勝音義

爭爭鬪之爭

必使先射射三發皆遠

許為許為射之殪注傳言子伯不仁所以死也音義

射會亦反下同發如字一

音廢遠于萬反殪於計反

或以其車從注從公為音

義

從才用反又如字注同

得祐於橐中孔悝出奔宋音義

案音託

○楚大子建之遇讒也自城父奔宋注在昭十九年

音義

城父音甫

又辟華氏之亂於鄭注在昭二十年音義

華戶化反

鄭人甚善之又適晉與晉人謀襲鄭乃求復焉

鄭人復之如初晉人使諫於子木請行而期焉注請

行襲鄭之期子木即建也音義

諫徒協反

子木暴虐於其

私邑邑人訴之鄭人省之得晉諫焉遂殺子木其子

曰勝在吳子西欲召之葉公曰吾聞勝也詐而亂無

乃害乎注葉公子高沈諸梁也音義

葉始涉反

子西曰吾

聞勝也信而勇不為不利舍諸邊竟使衛藩焉注使

為藩屏之衛音義

竟音境下同藩方元反注同

葉公曰周仁之謂

信注周親也率義之謂勇注率行也吾聞勝也好復

言注言之所許必欲復行之不顧道理音義

好呼報反

而

求死士殆有私乎注私謀復讐復言非信也期死非

勇也注期必也子必悔之弗從召之使處吳竟為白

公注白楚邑也汝陰褒信縣西南有白亭請伐鄭子

西曰楚未節也注言楚國雖復政令猶未得節制不

然吾不忘也他日又請許之未起師晉人伐鄭楚救

之與之盟勝怒曰鄭人在此讐不遠矣注比子西於

鄭人勝自厲劔子期之子平見之曰王孫何自厲也

曰勝以直聞不告汝庸為直乎將以殺爾父平以告

子西子西曰勝如卵余翼而長之注以鳥為喻音義

女音汝卵來管

反長丁丈反

楚國第注用士之次第音義

第大細反

我

死令尹司馬非勝而誰勝聞之曰令尹之狂也得死
乃非我注言我必殺之若得自死我乃不復成人音

義

復扶又反

子西不悛勝謂石乞注石乞勝之徒音義

悛七

全反曰王與二卿士注二卿士子西子期皆五百人當

之則可矣乞曰不可得也注五百人不可得曰市南
有熊宜僚者若得之可以當五百人矣乃從白公而

見之與之言說告之故辭注告欲作亂宜僚辭距之

音義

熊音雄宜僚者本或作熊相宜僚相息亮反說音悅

承之以劔不動注按

劔指其喉音義

喉音侯

勝曰不為利諂不為威惕不洩

人言以求媚者去之音義

不為于偽反下同諂勅檢反惕他歷反洩息列反又

以制

疏

正義曰白公告之知必許其爵位而宜僚辭

反

疏

是不為利而諂也承之以劔欲刺殺之而宜

僚不動是不為威而懼也如此之人必不是漏洩人言以求媚者也言其必不洩已謀故舍而去之吳

人伐慎白公敗之注汝陰慎縣也請以戰備獻注與

吳戰之所得鎧杖兵器皆備而獻之欲因以為亂音

義

鎧苦代反
杖直亮反

疏

正義曰服虔云欲陳士卒甲兵如與吳戰時所入獻捷杜以陳列甲兵士

卒以入王宮人情所不許豈當時肯聽之故以為戰時所得鎧杖兵器皆備具獻之所得既多欲因獻用

之以亂

許之遂作亂秋七月殺子西子期于朝而劫惠

王子西以袂掩面而死注慙於葉公音義

劫居業反
袂彌世反

子期曰昔者吾以力事君不可以弗終挾豫章以殺

人而後死注以效其多力豫章大木音義

挾鳥穴反

石乞

曰焚庫弑王不然不濟白公曰不可殺王不祥焚庫

無聚將何以守矣乞曰有楚國而治其民以敬事神

可以得祥且有聚矣何患弗從葉公在蔡注蔡遷州

來楚并其地音義

聚才住反下同

方城之外皆曰可以入矣

子高曰吾聞之以險徼幸者其求無饜偏重必離注

險猶惡也所求無饜則不安譬如物偏重則離敗欲

須其斃而討之音義

斃古堯反饜於艷反

聞其殺齊管脩也而

後入注管脩楚賢大夫故齊管仲之後聞其殺賢知

其可討白公欲以子閻為王注子閻平王子啟五辭

王者子閻不可遂劫以兵子閻曰王孫若安靖楚國

匡正王室而後庇焉啓之願也敢不聽從若將專利

以傾王室不顧楚國有死不能注不能從音義

庇必利反

又音秘遂殺之而以王如高府注高府楚別府石乞尹

門注為門尹圍公陽穴宮負王以如昭夫人之宮注

公陽楚大夫昭夫人王母越女音義

圍魚呂反

葉公亦至

及北門或遇之曰君胡不胄國人望君如望慈父母

焉盜賊之矢若傷君是絕民望也若之何不胄乃胄

而進又遇一人曰君胡胄國人望君如望歲焉注歲

年穀也音義

胃直又反

日月以幾注冀君來音義

幾音冀本或作

冀

若見君面是得艾也注艾安也音義

艾魚廢反一音五蓋反

民知不死其亦夫有奮心猶將旌君以徇於國注旌

表也音義

夫方于反或音扶奮方問反旌音精徇似俊反

而又掩面以絕民

望不亦甚乎乃免胄而進注言葉公得民心遇箴尹

固帥其屬將與白公注欲與白公并音義

箴之子高林反

子高

曰微二子者楚不國矣注二子子西子期也柏舉之

敗二子功多棄德從賊其可保乎乃從葉公使與國

人以攻白公白公奔山而縊其徒微之注微匿也音

義

使與國人與羊汝反一本作使與國人如字與謂興廢也縊一賜反微如字匿也爾雅云匿微也匿

女力

疏

注正義曰釋詁云匿微也舍人曰匿藏之微也郭璞曰微謂逃藏也左傳曰其徒微之是

也

生拘石乞而問白公之死馬對曰余知其死所而

長者使余勿言注長者謂白公也音義

拘音俱長丁丈反注同

曰不言將烹乞曰此事克則為卿不克則烹固其所

也何害乃烹石乞王孫燕奔穎黃氏注燕勝弟穎黃

吳地音義

烹普庚反燕烏賢反又烏練反穎求龜反舊求悲反

諸梁兼二事注

二事令尹司馬國寧注寧安也乃使寧為令尹注子

西之子子國也使寬為司馬注子期之子而老於葉

注傳終言之音義

葉始涉反

○衛侯占夢嬖人注以能占

夢見愛音義

嬖必計反

求酒於大叔僖子注僖子大叔遺

音義

大叔音泰

不得與卜人比而告公曰君有大臣在西

南隅弗去懼害注託占卜夢而言音義

比毗志反去起呂反

乃

逐大叔遺遺奔晉○衛侯謂渾良夫曰吾繼先君而

不得其器若之何注國之寶器輒皆將去良夫代執

火者而言注將密謀屏左右曰疾與亡者皆君之子也召之而擇材焉可也注召輒若不材器可得也注輒若不材可廢其身因得其器豎告天子注天子疾大子使五人輿貍從已劫公而強盟之注盟求必立已音義貍音加強其丈反且請殺良夫公曰其盟免三死注

盟在十五年曰請三之後有罪殺之公曰諾哉

傳十七年春衛侯為虎幄於藉圃注於藉田之圃新

造幄幕皆以虎獸為飾音義

幄於角反幕武博反

成求令名者

而與之始食馬天子請使良夫注以良夫應為命名

音義

成絕句求命名者絕句應應對之應

良夫乘衷甸兩牡注衷甸一

轅卿車音義

乘衷甸時證反說文作佃云中也春秋乘中佃一轅車也牡茂后反

疏注

義曰甸即乘也四丘為甸出車一乘故以甸為名是古者乘甸同也衛侯本許良夫服冕乘軒則衛侯既入良夫為大夫矣傳特言乘衷甸兩牡則良夫不合乘之故知為卿車也兵車一轅而二馬夾之其外更有二騂是為四馬今止乘兩牡而謂之衷乘者衷中也蓋以四馬為上乘兩馬為中乘大事駕四小事駕二為等差故也知大事駕四者異義古毛詩說天子之大夫皆駕四故詩云四牡駉駉周道倭遲是也如今乘輿有大駕中駕小駕為行之等差也其諸侯大夫士唯駕二無四二十七年陳成子以乘車兩馬賜

顏涿聚之子士喪禮云賵以兩馬是唯得駕兩無上
乘也下文大子數之三罪衷甸不在其數而傳言之
者積其奢
紫衣狐裘注紫衣君服疏注正義曰賈逵
僭多也

紫衣狐裘注紫衣君服疏

注正義曰賈逵云然杜從之紫

衣為君服禮無明文要此云紫衣言良夫不合服之
玉藻云玄冠紫綬自魯桓公始也鄭玄云蓋僭宋王
者之後服也管子稱齊桓好服紫衣齊人尚之五素
而易一紫孔子云惡紫之奪朱蓋當時人主好服紫
衣君既服紫則臣不得僭今傳言紫衣為良夫之罪
明紫是君服良夫僭之故言紫衣君服也大夫狐裘
非僭言之者
為袒裘張本
至袒裘不釋劔而食注食而熱故偏袒

亦不敬音義

袒音

疏

注正義曰禮裘上有衣謂之裼
玉藻云君衣狐白裘錦衣以裼

之如此之類皆是裘上之裼衣也裼衣之上乃有朝
祭正服裘上有兩衣也如此兩衣襲則二衣皆重之

裼則袒正服露裼衣玉藻云裘之裼也見美也君在則裼盡飾也服之襲也充美也然則在君之所於法唯有露裼衣耳無露裘之時今良夫為食熟之故偏袒其裘則并裘亦袒是不敬也劍是害物之器不得近至尊故近君則解劍良夫與君食而不釋劍亦不敬也

天子使牽以退數之以

三罪而殺之注三罪紫衣袒裘帶劍疏

正義曰三者皆偏僭於君

故以此為三罪衷甸僭卿耳比此為輕知衷甸非也

○三月越子伐吳吳子禦

之笠澤夾水而陳越子為左右甸卒注甸卒鉤伍相

著別為左右屯音義

禦魚呂反下同笠音立夾居恰反陳直覲反甸古侯反注同卒

子忽反注及下注同著直略反

使夜或左或右鼓譟而進吳師分以

御之越子以三軍潛涉當吳中軍而鼓之吳師大亂
遂敗之注左右句卒為聲勢以分吳軍而三軍精卒
并力擊其中軍故得勝也音義課素報反并如○晉

趙鞅使告于衛曰君之在晉也志父為主請君若大
子來以免志父不然寡君其曰志父之為也注恐晉
君為志父教使不來衛侯辭以難大子又使椽之注

孫訴父欲速得其處音義難乃旦反椽中夏六月趙

鞅圍衛齊國觀陳瓘救衛注國觀國書之子音義
觀

喚反下陳

得晉人之致師者子玉使服而見之注釋

禮音同 囚服服其本服曰國子實執齊柄而命瓘曰無辟晉

師豈敢廢命注欲必敵晉音我

柄彼命反

子又何辱注言

不須來致師自將往戰簡子曰我卜伐衛未卜與齊

戰乃還注畏子玉○楚白公之亂陳人恃其聚而侵

楚注聚積聚也音義

聚才佳反注及下注邑聚同積子賜反

楚既寧將

取陳麥楚子問帥於大師子穀與葉公諸梁子穀曰

右領差車與左史老皆相令尹司馬以伐陳其可使

也注言此二人皆嘗輔相子西子期伐陳今復可使

音義

帥所類反相息亮反注及下而相國并注同復扶又反

子高曰率賤民慢

之懼不用命焉注右領左史皆楚賤官音義

率所類反本又

作帥下同

子穀曰觀丁父都俘也武王以為軍率注楚武

王音義

郤音若俘芳扶反

是以克州蓼服隨唐大啓羣蠻彭

仲爽申俘也文王以為令尹實縣申息注楚文王滅

申息以為縣音義

蓼本又作鄂音了

朝陳蔡封畛於汝注開

封畛北至汝水音義

畛之忍反一音貞

唯其任也何賤之有

子高曰大命不怙注怙疑也音義怙本又作滔徒乃反令尹有

憾於陳注十五年子西伐吳陳使貞子弔吳以此為

恨音義憾本又作感尸暗反天若亡之其必令尹之子是與君

盍舍焉注舍右領與左史音義盍戶臘反舍音捨又音赦注同臣懼

右領與左史有二俘之賤而無其令德也王卜之武

城尹吉注武城尹子西子公孫朝音義朝如字使帥師

取陳麥陳人御之敗遂圍陳秋七月己卯楚公孫朝

帥師滅陳注終鄭裨竈言歲五及鶉火陳卒亡音義

純 鷄音

王與葉公枚卜子良以為令尹注枚卜不斥言

所卜以令龜子良惠王弟音義

枚亡 杯反

沈尹朱曰吉過

於其志注志望也葉公曰王子而相國過將何為注
過相將為王也他日改卜子國而使為令尹注子國
寧也○衛侯夢于北宮見人登昆吾之觀注衛有觀

在於昆吾氏之虛今濮陽城中音義

觀音工喚反注 同虛去魚反下

文同濮 音卜

被髮北面而諛曰登此昆吾之虛繇繇生之

瓜注繇繇瓜初生也良夫善已有以小成大之功若

瓜之初生謂使衛侯得國音義

被皮義反 瓜古華反 疏正義曰 北宮衛

侯之別宮於是衛侯在南宮夢裏身在北宮見人登 昆吾之觀被髮北面而諫北宮在昆吾觀北故此人

北面向君 而叫諫也

余為渾良夫叫天無辜注本盟當免三死

而并數一時之事為三罪殺之故自謂無辜音義

必并

政反數 所主反

公親筮之胥彌赦占之注赦衛筮史曰不害

與之邑寘之而逃奔宋注言衛侯無道卜人不敢以

實對懼難而逃也音義

難乃旦反下 文而難作同

衛侯貞卜注正

卜夢之吉凶其繇曰如魚窺尾注窺赤色魚勞則尾

赤音義

錄直又反
覲勃呈反

衡流而方羊喬焉注橫流方羊不

能自安喬水邊言衛侯將若此魚音義

衡華盲反又
如字方蒲郎

反注同喬
以制反

大國滅之將亡闔門塞竇乃自後踰注此

皆繇辭音義

閩戶臘反
實音豆

疏

正義曰杜以魚勞則尾赤
方羊不能自安喬焉謂魚

至水邊以喻衛侯將如此是賈逵之說杜用之也鄭
衆以為魚勞則尾赤方羊遊戲喻衛侯淫縱杜不然
者以此魚喻衛侯詩云魴魚賴尾王室如燬魚勞則
尾赤以勞苦之魚比喻衛侯則方羊為勞苦之狀若
其方羊是縱恣之狀何得比勞苦之魚也劉炫以為
卜繇之辭文句相韻以喬焉二字宜向下讀之知不
然者詩之為體文皆韻句其語助之辭皆在韻句之
下即齊詩云俟我於著乎而充耳以索乎而其王詩

云君子陽陽左執簧其樂只且之類是也此之方羊
與下句將亡自相為韻喬焉二字為助句之辭上蘇
辭之例未必皆韻此云闔門塞實乃自後踰不與將
亡為韻又一薰一蕪十年尚猶有臭不與攘公之掄
為韻是或韻或不韻理無定準劉以為喬焉大國謂
土地遠焉之大國近不辭矣又以方羊為縱恣之狀
而規杜過非也

冬十月晉復伐衛注春伐未得志故音義

復扶

又反入其郛將入城簡子曰止叔向有言曰怙亂滅國

者無後注不欲乘人之衰音義

向許文反
怙音戶

衛人出莊

公而與晉平晉立襄公之孫般師而還十一月衛侯

自郵入般師出注辟蒯賸也音義

般音班下
同郵音絹

初公登

城以望見戎州注戎州戎邑問之以告公曰我姬姓

也何戎之有焉注言姬姓國何故有戎邑翦之注削

壞其邑聚公使匠父注父不休息公欲逐石圃注石

圃衛卿石惡從子音義從才用反未及而難作辛巳石圃

因匠氏攻公公闔門而請弗許踰于北方而隊折股

注終如卜言乃自後踰音義隊直類反折之設反股音古戎州人

攻之太子疾公子青踰從公注青疾弟戎州人殺之

公入于戎州已氏注已氏戎人姓音義已音紀又音把初公

自城上見已氏之妻髮美使髡之以為呂姜髡注呂

姜莊公夫人髡髮也音義

髡苦存反髡大計反又庭計反髮皮義反

既入

馬而示之璧曰活我吾與女璧已氏曰殺女璧其馬
往遂殺之而取其璧衛人復公孫般師而立之十二
月齊人伐衛衛人請平立公子起注起靈公子音義

女音汝下同其焉於虔反

執般師以歸舍諸潞注潞齊邑音義

潞音

路○公會齊侯盟于蒙注齊侯簡公弟平公敖也蒙

在東莞蒙陰縣西故蒙陰城也音義

平公敖如字一本作驚五報反

又五乃反
莞音管

孟武伯相齊侯稽首公拜齊人怒武伯曰

非天子寡君無所稽首武伯問於高柴曰諸侯盟誰

執牛耳注執牛耳尸盟者音義

相息亮反

季羔曰鄆衍之

役吳公子姑曹注季羔高柴也鄆衍在七年音義

衍以

善反發陽之役衛石魋注發陽鄆地在十二年石魋石

曼姑之子音義

勉徒回反鄆音云曼音萬

武伯曰然則彘也注彘

武伯名也鄆衍則大國執發陽則小國執據時執者

無常故武伯自以為可執音義

彘直例反

疏

注正義曰依禮小國執牛

耳武伯得季羔之言以鄙衍則大國執發陽則小國執小國執之既合古典武伯自以魯是小國故云然則彘也杜以傳有小國大國之執故云據時執者無常劉炫以為小國恒執牛耳何得云執者無常若如劉意季羔直舉發陽何須云鄙衍之役吳公子姑曹橫規杜過非也○宋皇瑗之子麋

注瑗宋右師音義

瑗于春反麋九倫反

有友曰田丙而奪其兄

劓般邑以與之劓般愠而行告桓司馬之臣子儀克

注克在下邑不與魍亂故在音義

劓仕咸反愠紆問反怒也不與音預

子儀克適宋告夫人曰麋將納桓氏公問諸子仲注

子仲皇野初子仲將以杞妣之子非我為子注為適

子杞如子仲妻音義

如音似適
子丁歷反

麋曰必立伯也注伯

非我兄是良材子仲怒弗從故對曰右師則老矣不
識麋也注言右師老不能為亂麋則不可知公執之

注執麋皇瑗奔晉召之注召令還音義

命力
呈反

傳十八年春宋殺皇瑗公聞其情復皇氏之族使皇

緩為右師注言宋景公無常也緩瑗從子音義

緩戶
管反

從才
用反疏

注正義曰世族譜瑗皇父充石八世孫瑗充
石十世孫則為從孫非從子二者必有一誤

○巴人伐楚圍鄆注鄆楚邑音義

鄆音
憂

初右司馬子

國之卜也觀瞻曰如志注子國未為令尹時卜為右

司馬得吉兆如其志觀瞻楚開卜大夫觀從之後故

命之注命以為右司馬及巴師至將卜帥王曰寧如

志何卜焉注寧子國也音義帥所類反使帥師而行請承

注承佐王曰寢尹工尹勤先君者也注柏舉之役寢

尹吳由于以背受戈工尹固執燧象奔吳師皆為先

君勤勞音義遂為于偽反三月楚公孫寧吳由于遠固

敗巴師于鄆故封子國於析君子曰惠王知志注知

用其意音義

遠于委反
析星歷反

夏書曰官占唯能蔽志昆命

于元龜注逸書也官占卜筮之官蔽斷也昆後也言

當先斷意後用龜也音義

蔽必世反斷也注同尚書
能作克克亦能也昆命于

元龜本依尚書

疏

正義曰夏書大禹謨之篇也唯彼
斷丁亂反下同能作先耳唯先蔽志昆命于元龜

孔安國云帝王立卜占之官故曰官占蔽斷昆後也
官占之法先斷人志後命于元龜言志定然後卜筮

杜雖不見古文其解亦與孔合周禮謂斷
獄為蔽獄是蔽為斷也昆後也釋言文

其是之謂

乎志曰聖人不煩卜筮惠王其有焉注不疑故不卜

也○夏衛石圃逐其君起起奔齊注齊所立故衛侯

輒自齊復歸逐石圃而復石魁與大叔遺注皆崩贖

所逐

傳十九年春越人侵楚以誤吳也注誤吳使不為備

○夏楚公子慶公孫寬追越師至冥不及乃還注冥

越地音義冥亡丁反○秋楚沈諸梁伐東夷注報越三夷

男女及楚師盟于敖注從越之夷三種敖東夷地音

義敖五刀反種章勇反○冬叔青如京師敬王崩故也注言敬

王能終其世終萇弘言東王必大克叔青叔還子音

義敬王崩故也案傳敬王崩在此年世本亦爾世族譜云敬王四十二年崩敬王子元王十年春秋之

傳終矣據此則敬王崩當在哀公十七年史記周本

紀及十二諸侯年表敬王四十二年崩子元王仁立

則敬王是魯哀十八年崩也六國年表起自元王及

本紀皆云元王八年崩子定王介立定王元年是魯

哀公之二十七年與杜預世族譜為異又世本云魯

哀公二十年是定王介崩子元王赤立則定王之崩

年是魯哀二十七年也疏注正義曰自十六年以來

衆說不同未詳其正也疏經文已終傳無所解當時

之事亦不書記所記者為終竟前事叔青如周計不

應錄為終萇弘之言故錄之耳萇弘言在昭二十三

年此叔青如京師自為敬王崩未知敬王何年崩也

史記十二諸侯年表敬王四十一年孔子卒四十三

年敬王崩則敬王崩在他年也周本紀云敬王崩子

元王立八年崩子定王立六國年表定王元年左傳

盡此則傳以定王元年終矣杜世族譜云敬王三十九年魯哀公四十年獲麟之歲也四十二年而敬王崩敬王子元王十年春秋之傳終矣與史記不同者但史記世代年月事多舛錯故班固以文多抵牾謂此類也案世本敬王崩貞王介立貞王崩元王赤立宋忠注引太史公書云元王仁生貞王介與世本不相應不知誰是則宋忠不能定也又帝王世紀敬王三十九年春秋已終四十四年敬王崩子貞定王立貞定王崩子元王立是世本與史記參差不同良以書籍久遠事多紕繆故杜違史記亦何怪焉劉炫以杜與史記不同而規其過未知劉意能定與否

傳二十年春齊人來徵會夏會于廩丘為鄭故謀伐

晉注十五年晉伐鄭音義

廩力甚反為于偽反下為降同

鄭人辭諸

侯秋師還注終叔向言晉公室卑○吳公子慶忌驟
諫吳子曰不改必亡弗聽注吳子弗聽出居于艾注

艾吳邑豫章有艾縣音義

艾五蓋反

遂適楚聞越將伐吳

冬請歸平越遂歸欲除不忠者以說于越吳人殺之

注言其不量力音義

說如字又音悅

○十一月越圍吳趙孟

降於喪食注趙孟襄子無恤時有父簡子之喪楚隆

曰三年之喪親暱之極也主又降之無乃有故乎注

楚隆襄子家臣音義

暱女乙反

趙孟曰黃池之役先主與

吳王有質注黃池在十三年先主簡子質盟信也音

義所質如字曰好惡同之今越圍吳嗣子不廢舊業而敵

之注嗣子襄子自謂欲敵越救吳非晉之所能及也

吾是以為降楚隆曰若使吳王知之若何趙孟曰可

乎隆曰請嘗之注嘗試也乃往先造于越軍曰吳犯

間上國多矣聞君親討焉諸夏之人莫不欣喜唯恐

君之志不從請入視之許之告于吳王曰寡君之老

無恤使倍臣隆敢展謝其不共注展陳也音義造之到反

間間側之間夏戶推反共音恭

黃池之役君之先臣志父得承齊盟

曰好惡同之今君在難無恤不敢憚勞非晉國之所能及也使陪臣敢展布之王拜稽首曰寡人不佞不能事越以為大夫憂拜命之辱與之一簞珠注簞小

筓音義

難乃旦反簞音丹筓終嗣反

疏

注正義曰鄭玄曲禮注云簞筓盛飯食者圓曰簞方

曰筓宣二年趙盾見餓人為之簞食注云簞筓也不言小此言小筓者以盛珠之器不宜與盛飯器同故

云小耳

使問趙孟注問遺也音義

遺唯季反

曰句賤將生憂

寡人寡人死之不得矣王曰溺人必笑吾將有問也

注以自喻所問不急猶溺人不知所為而反笑音義

句古侯反

溺乃歷反

史黯何以為君子注晉史黯云不及四十

年吳當亡吳王感問此也音義

黯於咸反

對曰黯也進不

見惡注時行則行退無謗言注時止則止音義

謗博浪反

疏

正義曰為時所用進在朝廷言行無愆不見怨惡言人無惡之者時所不用退歸私室則無誹謗之

言故得君子之名也杜解進退之由由時可行則行故有進時可止則止故有退時易良彖曰艮止也時止則止時行則行動靜不失其時其道光明言史黯行如此也王曰宜哉

傳二十一年夏五月越人始來注越人勝吳欲霸中

國始遣使適魯音義使所○秋八月公及齊侯邾子

盟于顧齊人責稽首注責十七年齊侯為公稽首不

見答顧齊地音義為于偽反年因歌之曰魯人之臯

末及注同

數年不覺使我高蹈注臯緩也高蹈猶遠行也言魯

人臯緩數年不知答齊稽首故使我高蹈來為此會

音義

臯古乃反數所主反注同覺

疏注正義曰士喪禮始死復魂之

辭云臯某復鄭玄云臯長聲也臯者緩聲而長引之是臯為緩也高蹈高舉足而蹈地故言猶遠行也此盟于顧顧是齊地行不出竟而言遠者止為魯不稽首而為此會雖近猶恨故以遠言之耳唯其

儒書以為二國憂注二國齊邾也言魯據周禮不肯

答稽首令齊邾遠至音義

命力呈反

是行也公先至于陽

穀注先期至也音義

先悉薦反

齊閭丘息曰君辱舉玉趾

以在寡君之軍注息閭丘明之後羣臣將傳遽以告

寡君比其復也君無乃勤為僕人之未次注次舍也

音義

傳中戀反遽其據反比必利反

請除館於舟道注舟道齊地辭

曰敢勤僕人注不敢勤齊僕為魯除館

傳二十二年夏四月邾隱公自齊奔越曰吳為無道

執父立子越人歸之天子革奔越注邾隱公八年為

吳所因十年奔齊疏

正義曰革為邾君十餘年矣仍稱為天子者承其父歸之下故

繫父言之

○冬十一月丁卯越滅吳請使吳王居甬東注

甬東越地會稽句章縣東海中洲也音義

甬音勇會古外反稽

古今反句九具反如淳音拘章昭亦音恂洲音州水中可居曰洲

辭曰孤老矣焉能

事君乃縊越人以歸注以其尸歸終史墨子胥之言

也音義

焉於虔反

疏

正義曰吳語說此事云趙師入吳國圍王宮吳王懼使人行成

越王曰昔天以越賜吳而吳不受今天以吳賜越孤敢不聽天之命而聽君之命乎乃不許成因使告吳

王曰以民生之不長王其無死寡人其違王於爾句
東夫婦三百唯王所安以沒王年夫差辭曰孤之身
實失宗廟社稷凡吳土地人民越既有之孤何以視
於天下夫差將死使人告於子胥曰使死者無知則
已矣若有知也吾其何
面目以見員也遂自殺

傳二十三年春宋景曹卒注景曹宋元公夫人小邾

女季桓子外祖母疏

注正義曰宋景曹者宋景公之
母姓曹氏也昭二十五年傳云

季公若之嫡為小邾夫人生宋元夫人生子以妻季
平子此曹是平子之妻母故為桓子外祖母也今康
子是桓子之子父之外祖母卒故使冉有弔且送葬
婦人多以姓繫夫此以景公見在遣弔景公故繫其

子小邾姓曹
故稱景曹

季康子使冉有弔且送葬曰敝邑有社

稷之事使肥與有職競焉注肥康子名競遽也音義

與音

是以不得助執紼使求從與人注求冉有名與

衆也音義

紼音弗與音餘

曰以肥之得備彌甥也注彌遠也

康子父之舅氏故稱彌甥疏

注正義曰彌者增益之義故為遠也釋親云母

之昆弟為舅謂我舅者吾謂之甥季桓子為景公之甥景公為康子父之舅氏也桓子於景公為親甥故

康子致辭於景公自以為彌遠之甥

有不腆先人之產馬使求薦諸夫

人之宰注薦進也音義

薦進典反

其可以稱旌繁乎注稱

舉也繁馬飾繁纓也終樂祁之言政在季氏音義

繁步

干反 注同 ○夏六月晉荀瑶伐齊注荀瑶荀躒之孫知伯

襄子音義 知為 高無平帥師御之知伯視齊師馬駭

遂驅之曰齊人知余旗其謂余畏而反也及壘而還

將戰長武子請卜注武子晉大夫音義 御魚呂反知

伯曰君告于天子而卜之以守寇於宗祧吉矣吾又

何卜焉且齊人取我英丘君命瑶非敢耀武也治英

丘也注治齊取英丘音義 守手又反 桃他彫反 以辭伐罪足矣

何必卜壬辰戰于犁丘注犁丘隰也音義 隰音習本 亦作濕

齊師敗績知伯禽顏庚注顏庚齊大夫顏涿聚音義

涿丁角反○秋八月叔青如越始使越也越諸鞅來聘報

叔青也音義

始使所吏反

傳二十四年夏四月晉侯將伐齊使來乞師曰昔臧

文仲以楚師伐齊取穀注在僖二十六年宣叔以晉

師伐齊取汶陽注在成二年音義

汶音問

寡君欲徼福

於周公願乞靈於臧氏注以臧氏世勝齊故欲乞其

威靈音義

徵古克反

臧石帥師會之取廩丘注石臧賓如

之子軍吏令繕將進注晉軍史也繕治戰備音義

繕市

戰反

萊章曰君卑政暴注萊音齊大夫音義徃歲

萊音來

徃歲

克敵注顏禽庚也今又勝都注取廩丘天奉多矣又

焉能進是懲言也注懲過也音義

奉扶用反焉於虔反懲戶快反謂過

謬之言服云偽不信言也字林作懲云夢言意不慧也音于例反

疏注正義曰服虔云懲偽不信也

杜云懲過謬言也俱是不實之義各自以意訓也

役將班矣晉師乃還餽臧

石牛注生曰餽音義

餽許器反

大史謝之注晉大史音義

大音泰注同

曰以寡君之在行注在軍行間牢禮不度注

不如禮度敢展謝之注終臧氏有後於魯○邾子又無道越人執之以歸注終子贛之言而立公子何何亦無道注何大子革弟○公子荆之母嬖注荆哀公

庶子音義

雙必計反

將以為夫人使宗人釁夏獻其禮注

宗人禮官也音義

釁許斬反夏戶雅反

對曰無之公怒曰女為

宗司立夫人國之大禮也何故無之對曰周公及武

公娶於薛注武公敖也音義

女音汝娶七仕反下同

孝惠娶於

商注孝公稱惠公弗皇商宋也音義

孝惠娶於商定公名宋是哀公

之父故繫是為諱而稱商也稱尺證反又知字自桓以下娶於齊法桓公始

娶文姜此禮也則有若以妾為夫人則固無其禮也

公卒立之而以荆為大子國人始惡之注惡公音義

惡烏路反注同○閏月公如越得大子適郢注適郢越王大

子得相親說也音義郢以井反適郢越王句踐大子名說音悅將妻公而

多與之地公孫有山使告于季孫季孫懼使因大宰

嚳而納賂焉乃止注嚳故吳臣也季孫恐公因越討

已故懼音義

妻七計反嚳音美反賂音路

傳二十五年夏五月庚辰衛侯出奔宋注衛侯輒也

疏正義曰服虔云此下但有適城鉏以鉤越無奔宋之事其說未聞今杜云城鉏近宋邑蓋衛侯出近

宋境似欲奔宋衛
人以奔宋告也
衛侯為靈臺于藉圃與諸大夫飲

酒馬褚師聲子鞮而登席注古者見君解鞮音義

圃布

五反褚張呂反鞮戶伐
反足衣也見賢遍反
公怒辭曰臣有疾異於人注

足有創疾音義
創初羊反
若見之君將罄之注罄嘔吐也

音義
罄許角反又許各反
嘔於口反吐他故反
是以不敢注不敢解公愈

怒大夫辭之不可注共辭謝公公不可解褚師出公

戟其手注抵徒手屈肘如戟形音義

抵音紙肘女九反

曰必

斷而足聞之褚師與司寇亥乘曰今日幸而得亡注

恐死以得亡為幸音義

斷丁管反乘時證反

公之入也奪南氏

邑注南氏子南之子公孫彌牟而奪司寇亥政公使

侍人納公文懿子之車于池注懿子公文要公有忿

使人投其車于池水中音義

要一遠反

初衛人翦夏丁氏

注在十一年音義

夏戶雅反

以其帑賜彭封彌子注彭封

彌子彌子瑕音義

帑音奴

彌子飲公酒納夏戊之女嬖

以為夫人其弟期大叔疾之從孫甥也注期夏戊之

子姊妹之孫為從孫甥與孫同列音義

飲於鵠反大音泰從如字

又才用

疏

注正義曰期是夏戊之子戊是大叔疾之

反注同

甥期為大叔疾姊妹之孫也姊妹之子為

甥姊妹之孫與己之孫尊卑同列男子謂兄

弟之孫為從孫故謂姊妹之孫為從孫甥少畜於

公以為司徒夫人寵衰期得罪公使三匠父公使優

狡盟拳彌注優狡俳優也拳彌衛大夫使俳優盟之

欲恥辱也音義

少詩照反優音憂狡古卯反拳音權俳優皮皆反

而甚近信之

故褚師比注鞮登席者音義

近附近之近下注皆同

公孫彌牟

注喪邑者音義

喪息浪反

公文要注失車者司寇亥注奪

政者司徒期因三匠與拳彌以作亂皆執利兵無者

執斤注斤工匠所執使拳彌入于公宮注信近之故

得入而自天子疾之宮諫以攻公郵子士請禦之注

郵子士衛大夫音義

諫素報反郵音絹禦魚呂反後倣此

彌援其手曰

子則勇矣將若君何注言不可救音義

援音袁

不見先

君乎君何所不逞欲注先君蒯聵也亂不速奔故為

戎州所殺欲令早去音義

命力呈反

且君嘗在外矣豈必

不反當今不可衆怒難犯休而易間也乃出將適蒲

注蒲近晉邑音義

易以豉反間間劇之間
下注內間為君間皆同

彌曰晉無

信不可將適郵注郵齊晉界上邑彌詐不知謀故公

信之彌曰齊晉爭我不可將適泠注泠近魯邑音義

泠力
丁反

彌曰魯不足與請適城鉏注城鉏近宋邑音義

鉏仕
居反

以鉤越越有君注宋南近越轉相鉤牽音義

古鉤

侯反一本或
作拘同注同

乃適城鉏彌曰衛盜不可知也請速自

我始乃載寶以歸注欺衛君言君以寶自隨將致衛

盜請速行已為先發而同載實歸衛也公為支離之

卒注支離陳名音義

卒子忽反
陳直觀反

因祝史揮以侵衛注

揮衛祝史音義

揮音暉

衛人病之懿子知之注知揮為

內間見子之注子之公孫彌牟文子也請逐揮文子

曰無罪懿子曰彼好專利而妄注妄不法音義

好呼
報反

夫見君之入也將先道焉注若見君有入勢必道助

之音義

道音導
注下同

若逐之必出於南門而適君所注雖

知其為君問不審察故私評之音義

評音平
又音病

夫越新

得諸侯將必請師焉揮在朝使吏遣諸其室注難面

逐之先逐其家音義難乃揮出信弗內注再宿為信

音義內如字五日乃館諸外里注外里公所在遂有

寵使如越請師注請師伐衛求入○六月公至自越

注前年行今還季康子孟武伯逆於五梧注魯南鄙

也音義梧音郭重僕注為公僕音義重直龍反見二

子曰惡言多矣君請盡之注二子不臣之言甚多欲

使公盡極以觀之公宴於五梧武伯為祝注祝上壽

酒音義

祝之六反又之又反上時掌反壽音授又音受

惡郭重曰何肥也注

訾毀其貌音義

惡烏路反訾音紫

季孫曰請飲彘也注飲罰

也音義

飲於鴟反注同

以魯國之密邇仇讐臣是以不獲從

君克免於大行又謂重也肥注言重隨君遠行助勞

不宜稱肥音義

從才用反又如字助奚俱反

公曰是食言多矣能

無肥乎注以激三桓之數食言音義

激古歷反數所角反

飲酒

不樂公與大夫始有惡注為二十七年公孫邾起音

義

樂音洛孫音遊本又作遊

傳二十六年夏五月叔孫舒帥師會越臯如后庸宋

樂茂納衛侯注舒武叔之子文子也臯如后庸越大

夫樂茂宋司城子納衛侯輒也音義茂扶廢反文子欲納

之懿子曰君愾而虐少待之必毒於民注愾狠也音

義愾皮逼反恨胡愾反乃睦於子矣衛師侵外州大獲注越納

輒之師出禦之大敗注衛師敗掘褚師定子之墓焚

之于平莖之上注定子褚師之父也平莖陵名也

音義推其勿反又具月反私定許晉胡愾反使主孫齊私於臯如

注齊衛大夫王孫賈之子也曰子將大滅衛乎

柳納君而已乎身如曰寤之命無他納衛君而已

文子致衆而問焉曰君以寧也伐國國幾亡矣請納

之衆曰勿納曰彌牟亡而有益請自北門出注欲以

觀衆心音義幾音畿又音機衆曰勿出重賂越人申開守陴

而納公注申重也開重門而嚴設守備欲以恐公使

不敢入音義陴毗支反重直龍反下同守手又反恐丘勇反公不敢入師還

立悼公注悼公蒯聵庶弟公子黜也音義黜低廉反疏注正

義曰衛世家謂輒為出公季父
黜殺出公子而自立是為悼公

南氏相之以城鉏與

越人公曰期則為此注司徒期也音義

相息亮反疏曰衛正義

侯先居城鉏以兵侵衛衛人申開守陴衛侯不敢入
退還城鉏衛人得以城鉏與越者衛人賂遺於越故
公所在亦令苟有怨於夫人者報之注夫人期姊也
以與之

怒期而不得加戮故勅宮女令苦困期姊音義

命力呈反

注司徒期聘於越注為悼君聘音義

為于偽反公攻而奪

之幣期告王注越王也王命取之期以眾取之公怒

殺期之甥之為大子者注忿期而及其姊為夫人者

遂復及大人之子音義

復扶
又反

遂卒于越注終言之也

終效與言犯于夷○宋景公無子取公孫周之子得

與啓畜諸公宮注周元公孫子高也得昭公也啓得

弟畜養也疏

注正義曰宋世家云景公卒公子得殺
太子而自立是為昭公昭公者元公之

曾孫也昭公父元公孫糾糾父公子禚秦禚秦即元

公小子也景公殺昭公父糾故昭公怨賊殺太子而

自立其說昭公得立之所由未有立焉於是皇緩為

與此不合亦以得為昭公也

右師皇非我為大司馬皇懷為司徒注皇懷非我從

昆弟音義

從才
用反

靈不緩為左師注不緩子靈圍龜之

後樂後為司城注後樂溷之子音義

溷戶門反又戶困反

樂朱

鉏為大司寇注朱鉏樂輓之子音義

鉏仕居反輓音晚

六卿

三族降聽政注三族皇靈樂也降和同也因大尹以

達注大尹近官有寵者六卿因之以自通達於君大

尹常不告而以其欲稱君命以令注不告君也國人

惡之司城欲去大尹左師曰縱之使盈其罪注盈滿

也音義

惡烏路反下注惡其同去起呂反

重而無基能無敝乎注言

勢重而無德以為基必敝也冬十月公遊于空澤注

空澤宋邑辛巳卒于連中注連中館名音義

連如字又音輦

大尹興空澤之士千甲注甲士千人音義

興如字興發也或作

興字非

奉公自空桐入如沃宮注奉公尸也梁國虞縣

東南有地名空桐沃宮宋都內宮名音義

沃烏毒反

使召

六子曰聞下有師君請六子畫注畫計策音義

畫音獲

六子至以甲劫之曰君有疾病請二三子盟乃盟于

少寢之庭曰無為公室不利大尹立啓奉喪殯于大

宮三日而後國人知之司城蒧使宣言于國曰大尹

惑蠱其君而專其利令君無疾而死死又匿之是無

他矣大尹之罪也注言大尹所弑音義

劫居業反少詩照反下注

同大宮音泰蠱音古匿女力反弑音申志反

得夢啓北首而寢於盧門之

外注盧門宋東門北首死象在門外失國也音義

首手

又反疏注正義曰禮運云死者北首注同疏生者南鄉故以北首為死象

已為鳥而集於

其上味加於南門尾加於桐門曰余夢美必立注桐

門北門音義

味張又反鳥口

大尹謀曰我不在盟注少寢盟

但以君命盟六卿大尹不盟無乃逐我復盟之乎使

祝為載書六子在唐孟注地名音義

復扶又反
孟音于

將盟

之祝襄以載書告皇非我注襄祝名皇非我因子潞

注子潞樂棧音義

潞路

音

門尹得注樂得左師謀曰民

與我逐之乎皆歸授甲使狗于國曰大尹惑蠱其君

以陵虐公室與我者救君者也衆曰與之大尹狗曰

戴氏皇氏將不利公室注戴氏即樂氏音義

狗似
俊反

與

我者無憂不富衆曰無別注惡其號令與君無別音

義別彼列
反注同

戴氏皇氏欲伐公注公謂啓樂得曰不可

彼以陵公有罪我伐公則甚焉使國人施于大尹注
施罪於大尹大尹奉啓以奔楚乃立得司城為上卿
盟曰三族共政無相害也○衛出公自城鉏使以弓
問子贛且曰吾其入乎子贛稽首受弓對曰臣不識
也私於使者曰昔成公孫於陳注僖二十八年衛成

公奔楚遂適陳音義

使者所吏反孫音遜本亦作遜下注除孫字皆同

甯武

子孫莊子為宛濮之盟而君入注在魯僖二十八年

音義

甯乃定反宛於院反濮音卜

獻公孫於衛齊注在襄十四年

子鮮子展為夷儀之盟而君入注在襄二十六年今

君再在孫矣注謂十五年孫魯今又孫宋內不聞獻

之親外不聞成之卿則賜不識所由入也詩曰無競

惟人四方其訓之注詩周頌言無強惟得人也疏

正義

曰詩周頌烈文之篇戒飭言也無強乎惟得賢人也若得其人四方諸國皆順從之矣

若得其

人四方以為主注為主四方而國於何有

傳二十七年春越子使后庸來聘且言邾田封于駘

上注欲使魯還邾田封竟至駘上音義

駘他來反又音臺竟音境

二月盟于平陽注西平陽疏

注正義曰宣八年城平陽此年盟于平陽土地

名云宣八年平陽東平陽也泰山有平陽縣此年平陽西平陽也高平有南平陽縣

三子皆從

注季康子叔孫文子孟武伯皆從后庸盟音義

從如字注

同從才用反非也

康子病之注恥從蠻夷盟言及子贛曰若

在此吾不及此夫注不及與越盟音義

夫音扶

武伯曰

然何不召曰固將召之文子曰他日請念注言季孫

不能用于贛臨難而思之音義

難乃旦反

○夏四月己亥

季康子卒公弔焉降禮注禮不備也言公之多妄音

義

妄亡亮反本又
作忘下文故此

○晉荀瑤帥師伐鄭次于桐丘鄭

駟弘請救于齊注弘駟歆子音義

歆市
專反

齊師將興陳

成子屬孤子三日朝注屬會死事者之子使朝三日

以禮之音義

屬音燭
注同

設乘車兩馬繫五邑焉注乘車

兩馬大夫服又加之以五邑音義

乘繩證反注
及下皆同

召顏

涿聚之子晉曰隰之役而父死焉注隰役在二十三

年音義

涿中角反
隰音習

以國之多難未女恤也今君命女

以是邑也服車而朝毋廢前勞乃救鄭及留舒違穀

七里穀人不知注言其整也留舒齊地違去也音義

難乃旦反女音
汝下同母音無

及濮雨不涉注濮水自陳留酸棗縣

傍河東北經濟陰至高平入濟音義

傍浦派反齊
子禮反下同

子

思曰大國在敝邑之字下是以告急今師不行恐無

及也注子思國參音義

參七
向反

成子衣製杖戈注製雨

衣也音義

子衣於製反製音
衣直亮反又音尤

五於阪上為不出者

助之鞭之知伯聞之乃還注

其可衆心音義

以扶

曰我卜伐鄭不下敵齊此謂成子曰大夫陳子

陳之自出陳之不祀鄭之罪也注十七年楚獨滅陳

非鄭之罪蓋知伯誣陳子故陳子怒謂其多民人故

寡君使瑤察陳衷馬注衷善也音義中衷音謂大夫其

恤陳乎若利本之顛瑤何有焉注言陳滅於已無傷

成子怒曰多陵人者皆不在知伯其能久乎中行文

子告成子注文子荀寅此時奔在齊音義郎反曰有

自晉師告寅者將為輕車千乘以厭齊師之門則可

盡也成子曰寡君命恒曰無及寡無畏衆雖過千乘

敢辟之乎將以子之命告寡君注成子疑其有為晉

之心也音義

輕遣政反厭於甲反又音於
輒反有為于偽反下為鄭同
疏正義曰
無陵侮

寡少而橫

文子曰吾乃今知所以亡注自恨已無知

君子之謀也始衷終皆舉之而後入焉注謀一事則

當慮此三變然後入而行之所謂君子三思音義

三思

思者疏
疏正義曰君子三思而謀也思其始思其中思其
及終思其末也皆舉而行之然後設言

以入於今我三不知而人之不亦難乎注悔其言不

可以○公患三桓之侈也欲以諸侯去之注欲求諸

後師以遂音義三桓亦患

公之妾也故君臣多間注間隙也公遊于陵阪遇孟

武伯於孟氏之衢曰請有問於子余及死乎注問可

得壽死否對曰臣無由知之三問卒辭不對公欲以

越伐魯而去三桓秋八月甲戌公如公孫有陘氏注

有陘氏即有山氏因孫於邾乃遂如越國人施公孫

有山氏注以公從其家出故也終子贛之言君不沒

於魯音義因孫於邾音遊○悼之四年晉荀瑶帥師圍鄭注

悼公哀公之子寧也哀公出孫魯人立悼公疏

注正義曰

魯世家云哀公奔越國人迎哀公復歸卒於有山氏子寧立是為悼公傳稱國人施罪於有山氏不得復歸而卒於其家也馬遷妄爾

未至鄭駟弘曰知伯愾而好勝早下

之則可行也音義

行去聲好呼報反早一本作蚤下戶嫁反

乃先保南里

以待之注保守也南里在城外知伯入南里門于桔

株之門鄭人俘鄗魁壘注壘晉士音義

桔戶古反株大結反俘芳

夫反鄗尸支反魁苦回反壘力軌反

賂之以知政注欲使反為鄭閉其

口而死將門注將攻鄭門知伯謂趙孟入之對曰主

在此注主謂知伯也言主在此何不自入也知伯曰

惡而無勇何以為子注惡貌醜也簡子舍適子而立

襄子故知伯言其醜且無勇何以立為子音義適丁歷反

疏注正義曰趙世家云孤布子卿見簡子簡子徧召諸子相之子卿曰無為將軍者簡子召子母恤母

恤至子卿起曰此真將軍矣簡子曰此其母賤翟婢也妾道責哉子卿曰天之所授雖賤必貴自是之後

簡子盡召諸子與語母恤最賢乃對曰以能忍恥庶

廢太子伯魯而以母恤為太子無害趙宗乎知伯不悛趙襄子由是甚知伯注甚毒

也音義甚其冀反遂喪之知伯貪而悞故韓魏反而喪之

注史記晉懿公之四年魯悼公之十四年知伯帥韓

魏圍趙襄子於晉陽韓魏反與趙氏謀殺知伯於晉

陽之下在春秋後二十七年音義

喪息疏注正義曰浪反晉世家云

定公三十三年孔子卒三十七年定公卒則晉定公

以魯哀公二十年卒也又云定公卒子出公鑿立十

七年出公奔齊則出公之奔在魯悼公之十年也又

云出公既奔知伯立昭公曾孫驕為晉君是為哀公

哀公之四年趙襄子韓康子魏桓公共殺知伯是殺

知伯當魯悼公之十四年也又六國年表亦云晉哀

公四年魯悼公十四年韓魏趙敗知伯於晉陽戰國

策說此事云知伯帥韓康子魏桓子攻趙襄子於晉

陽引汾水以灌之城不沒者三版知伯行水魏桓子

御車韓康子為右知伯曰吾今乃知水可以亡人之

國汾水可以灌安邑絳水可以灌平陽安邑魏也平陽韓也魏桓子肘韓康子韓康子躡魏桓子之足其夜趙襄子使張孟談私於韓魏韓魏反與趙合遂殺知伯於晉陽之下而三分其地事在春秋獲麟之後

二十
七年

春秋左傳注疏卷六十

春秋左氏傳注疏卷六十考證

傳召之使處吳竟為白公○楚世家曰子西召勝於吳
以為巢大夫號曰白公又伍子胥傳曰使勝守楚之
邊邑

傳他日又請許之未起師○楚世家以白公請伐鄭為
惠王六年事以楚救鄭為八年事

傳市南有熊宜僚者○林堯叟曰熊宜僚勇士也居於
市之南

傳大子又使椽之注椽訴父欲速得其處○訴監本訛

作許今改正

臣照

按離騷衆女嫉余之蛾眉兮謠詠

謂余以善淫即此椽字之義並疑椽字應從言旁

傳國子實執齊柄○

臣召南

按此時陳氏專齊父矣如

此文所云則國氏尚為上卿但政權一歸陳氏耳高
無平于十五年奔北燕于二十三年又帥師禦晉師
則高氏亦仍為上卿矣

傳楚公孫朝帥師滅陳注歲五及鶉火陳卒亡○監本

脫歲字又及字訛反今改正

傳見人登昆吾之觀注今濮陽城中○

臣召南

按後漢

郡國志曰東郡濮陽古昆吾國

傳衛石圃逐其君起起奔齊○衛世家作石曼

傳唯其儒書以為二國憂○王應麟曰春秋之季已輕
儒矣至戰國而淳于髡有賢者無益之譏秦昭王有
儒無益之問末流極于李斯

傳衛侯為靈臺於藉圃○

臣浩

按藉圃即十七年莊公

蒯聵為虎幄於藉圃者也

傳取公孫周之子得與啓疏其說昭公得立之所由○

監本昭公上行一殺字今刪

傳獻公孫於衛齊○推尋文義衛字衍各本俱同

傳子鮮子展為夷儀之盟而君入注在襄二十六年○

襄監本訛作僖今改正

傳盟于平陽疏高平有南平陽縣○
臣召南按監本作

高平南有平陽縣非也唐時無高平郡疏蓋言晉時

地也南平陽三字縣名至北齊始省今改正

傳知伯曰注簡子舍適子而立襄子○舍監本訛作奔
適監本訛作敵今俱改正

又疏趙世家云孤布子卿見簡子○臣召南按史記

本文作姑布子卿集解引司馬彪曰姑布姓子卿字
則疏應作姑布也

春秋左氏傳注疏卷六十考證

左傳後序

大康元年三月吳寇始平余自江陵還襄陽解甲休兵
乃申杼舊意脩成春秋釋例及經傳集解始訖會汲郡
汲縣有發其界內舊冢者大得古書皆簡編科斗文字
發冢者不以為意往往散亂科斗書久廢推尋不能盡
通始者藏在祕府余晚得見之所記大凡七十五卷多
雜碎怪妄不可訓知周易及紀年最為分了周易上下
篇與今正同別有陰陽說而無象象文言繫辭疑于時

仲尼造之於魯尚未播之於遠國也其紀年篇起自夏
殷周皆三代王事無諸國別也唯特記晉國起自殤叔
次文侯昭侯以至曲沃莊伯莊伯之十一年十一月魯
隱公之元年正月也皆用夏正建寅之月為歲首編年
相次晉國滅獨記魏事下至魏哀王之二十年蓋魏國
之史記也推校哀王二十年太歲在壬戌是周赧王之
十六年秦昭王之八年韓襄王之十三年趙武靈王之
二十七年楚懷王之三十年燕昭王之十三年齊湣王

之二十五年也上去孔丘卒百八十一歲下去今大康
三年五百八十一歲哀王於史記襄王之子惠王之孫
也惠王三十六年卒而襄王立立十六年卒而哀王立
古書紀年篇惠王三十六年改元從一年始至十六年
而稱惠成王卒即惠王也疑史記誤分惠成之世以為
後王年也哀王二十三年乃卒故特不稱諡謂之今王
其著書文意太似春秋經推此足見古者國史策書之
常也文稱魯隱公及邾莊公盟于姑蔑即春秋所書邾

儀父未王命故不書爵曰儀父貴之也又稱晉獻公會
虞師伐虢滅下陽即春秋所書虞師晉師滅下陽先書
虞賄故也又稱周襄王會諸侯于河陽即春秋所書天
王狩于河陽以臣名君不可以訓也諸若此輩甚多略
舉數條以明國史皆承告據實而書時事仲尼脩春秋
以義而制異文也又稱衛懿公及赤翟戰于洞澤疑洞
當為洞即左傳所謂滎澤也齊國佐來獻玉磬紀公之
甌即左傳所謂賓媚人也諸所記多與左傳符同異於

公羊穀梁知此二書近世穿鑿非春秋本意審矣雖不
皆與史記尚書同然參而求之可以端正學者又別有
一卷純集疏左氏傳卜筮事上下次第及其文義皆與
左傳同名曰師春師春似是抄集者人名也紀年又稱
殷仲壬即位居亳其卿士伊尹仲壬崩伊尹放大甲于
桐乃自立也伊尹即位於大甲十年大甲潛出自桐殺
伊尹乃立其子伊陟伊奮命復其父之田宅而中分之
左氏傳伊尹放大甲而相之卒無怨色然則大甲雖見

放還殺伊尹而猶以其子為相也此為大與尚書叙說
大甲事乖異不知老叟之伏生或致昏忘將此古書亦
當時雜記未足以取審也為其粗有益於左氏故略記

之附集解之末焉

正義曰王隱晉書武帝紀大康元年諸軍伐吳三月至江陵縣而孫皓面

縛詣王濬降杜預先為荊州刺史鎮襄陽督諸軍伐吳將兵向江陵因東下伐吳吳平又自江陵還襄陽東暫傳云大康元年汲郡民盜發魏安釐王塚得竹書漆字科斗之文科斗文者周時古文也其字頭麤尾細似科斗之蟲故俗名之焉大凡七十五卷晉書有其目錄其六十八卷皆有名題其七卷折簡碎雜不可名題有周易上下經二卷紀年十二卷瑣語十一卷周王遊行五卷說周穆王遊行天下之事今謂之穆天子傳此四部

差為整頓汲郡初得此書表藏祕府詔荀勗和嶠以隸
字寫之勗等於時即已不能盡識其書今復闕落又轉
寫益誤穆天子傳世間偏多史記魏世家云哀王二十
三年卒子昭王立十九年卒子安釐王立哀王是安釐
王之祖故安釐王之塚藏哀王時之書哀王二十一年
是赧王之十七年并下秦韓趙楚燕齊之年皆史記六
國年表文也竹書說伊尹傳之事與書序大乖杜不見
古文唯以書序考正疑伏生昏忘虛傳此事又疑竹簡
雜記未足取審今據古文尚書說伊尹之事與左氏符
同明是竹書不可盡信杜以紀年記事大似春秋之經
知古之史官記事如此為其有益於左氏令
人知左氏不妄故略記之以附集解之末

左傳後序

原詹事臣陳浩謹言按傳春秋者三家左氏立學
官最後然傳世久且益盛迥非公羊穀梁所能及
蓋作傳者親見策書熟知掌故說經雖略而事實
甚詳為例無多而史文該洽自惠公生隱桓下迄
獲麟之後趙魏韓分晉以前三百年中列國之世
系遠近王霸之先後盛衰公卿士大夫之行事善
惡言論是非會盟征伐之得失成敗有本有原瞭
如指掌學春秋者非此不足以識其顛末夫豈師

弟子口相講授更歷數世始著簡端事涉傳聞義多穿鑿者所可同日語哉自漢及晉二傳漸微杜預博極羣書自云左癖以其生平精力萃於經傳又承劉歆賈逵潁容許淑服虔諸儒後尋端究緒舍短錄長分傳附經為之集解大而天官地理細而名物典文罔勿剖析淵微敷暢旨趣是以學左氏者稱邱明為夫子素臣即稱元凱為邱明功臣雖偏私黨護間有瑕疵如崔靈恩衛冀隆所難劉

炫所規然亦猶夫范升摘左氏之違何休祖李育
之議朽壤一撮曾不足以輕重泰山此唐初詔孔
穎達等撰疏專用左傳杜注以解春秋配周易尚
書毛詩禮記而為五經者也是書文既浩繁國子
監本相承訛舛經傳字畫多有異同杜注亦時脫
落釋文及疏尤附麗失次烏焉亥豕沿襲紛綸今
奉

敕校刊謹用石經及舊本訂正疏所徵引載籍各以本

書校改若其書今世所無字句即有可疑但于卷末著之仍從舊本不敢強改志慎也至如先儒論經有闕於左氏短長補注有裨於杜氏訓釋他書引用有足與孔疏相發明者亦採附卷末以備一

經之考証

臣浩
謹識

謹按第四頁前七行音義反亦作返刊本反訛又
今改

第十頁前七行注於藉田之圃刊本監本毛本藉
田訛田藉今據宋本改

第十一頁前一行疏衷旬不在其數諸本衷訛乘
據宋本改

第十二頁前六行注為志父教使不來諸本來訛
一據宋本改

第十八頁前四行傳皇瑗奔晉刊本瑗訛緩今改
第十九頁前六行疏杜雖不見古文諸本文訛人

據宋本改

第二十頁前五行疏經文已終諸本文訛今據宋

本改

第二十四頁前三行疏故繫父言之諸本文訛故

據宋本改

第二十五頁後一行音義繫步干反刊本干訛于

今改

第二十九頁前四行疏故謂姊妹之孫刊本謂訛
為今改

第三十二頁後三行傳文子致衆而問焉諸本致
衆訛使之據宋本改

後六行注使不敢入諸本使訛故據宋本改

第三十五頁前四行注在門外諸本在訛盧據宋
本改

第三十七頁前二行疏東平陽也諸本訛作彼注
云今四字據宋本改



覆校官編修臣項家達

校對官檢討臣郭寅

臚錄監生臣李銓